



南菁書院叢書



南菁書院叢書

敘

光緒戊子秋予刊

皇清經解續編成時試事既畢還暨陽候代檢舊藏及近得之書裨益藝文者尙數十種遂以餘力促召梓人刊爲叢書

國朝儒碩朋興纂著之盛實能洞達閭奧修起廢墜大之經箋史注曠隆往代卽旁逮諸子雜家靡不疏通證明底於精善雖其間學人所得大小醇駁各有不同然前明空疏淺陋之風庶乎滌蕩盡矣

中興而後斯道益章海內人士咸知崇厲實學以空腹高談爲恥

敘

視乾嘉之際執漢宋學斷斷相辨論者固不侔矣聞道而大笑積久而後信亦必然之理也當此之時苟有資於問學之書亟取而公諸天下傳之久遠宏益儒者之見聞仰贊

聖朝之文治豈非士大夫維持世教者之責與自來叢書之刻多雜廁前代或汎及詞章茲編專錄

國朝非有裨考訂者不入書分八集皆可喜可觀予未及搜采者又屬吾友院長繆筱珊編修賡續成之板存南菁書院因以名其書四五集則院中高材生所撰述多士觀覽興起尙益覃精術業偕登於作者之林是予所深望也孟冬旣望



賜進士出身前翰林院編修國子監祭酒提督江蘇全省學政長  
沙王先謙撰於江陰節署

叙

二

南菁書院叢書總目

第一集

丁晏撰

登科記考三十卷

徐松撰

春秋摘微一卷

李邦彥輯

第二集

深衣考一卷

黃宗義撰

左傳補注一卷

姚鼐撰

公羊補注一卷

姚鼐撰

穀梁補注一卷

總目

國語補注一卷

戴望撰

論語注二十卷

戴望撰

羣經廣義一卷

俞樾撰

操菽齋遺書四卷

管禮明撰

第三集

易林釋文二卷

丁晏撰

投壺攷原一卷

翁同龢撰

佚禮扶微五卷

丁晏輯

淮南萬畢術一卷

疇人傳三編七卷

諸可寶撰

第四集

說文職墨三卷

于 鬯撰

說文舊音補注一卷補遺一卷續一卷

王玉緝撰

爾雅詁二卷

徐孚吉撰

吳疆域圖說三卷

范本禮撰

水經注洛涇二水補附五溪考一卷

謝鍾英撰

開方用表簡術一卷

程之驥撰

第五集

總目

二

毛詩異文箋十卷

陳玉樹撰

句股演代二卷

江 衡撰

第六集

春秋世族譜拾遺一卷

成蓉鏡撰

鄭志攷證一卷

釋名補證一卷

三統術補衍一卷

推步迪蒙記一卷

史漢駢枝一卷

宋州郡志校勘記一卷

駟思室答問一卷

漢太初厯考一卷

心巢文錄二卷

第七集

蔡氏月令五卷

律呂古義六卷

詩陸氏疏疏二卷

左傳劉杜持平六卷

總目

第八集

周易二間記三卷

方氏易學五書五卷

易例輯略一卷

安甫遺學二卷

蔡雲撰

錢塘撰

焦循撰

邵瑛撰

三

茹敦和撰

方申撰

龐大堃撰

江承之撰

登科記考

禮部鑄印局員外郎大興徐松撰

敘曰州歲貢士制昉禎明蓋魏晉以還相矜族望江左猶不失門材北朝則祇重門蔭世胄在高位上品無寒門窮則變變則通其不得不出於科目者亦時勢然也夫國有與立惟在得賢人匪生知誰能廢學造士進士賢以論辨而升小成大成學由考校乃見則江都三策建初四科雖南院之濫觴實西周之舊軌矣李唐承隋法制大備冬集之例旁課律書春關以來兼試宏拔其設條流也不務苛細其展公道也在振孤寒卷軸可溫行止無駁扣簾得

登科記考

敘

一

請通榜非私莫不櫻筍含芳芙蓉表豔重龍門之聲價寫雁塔之姓名又若待非常之才列制舉之日期之以伊呂責之以霸王或才綜八能或名成一藝束帛之賁相望邱園弓旌之招無間屠釣山陬海澨命使遐蒐諸子百家獻書授職何其牢籠羣有囊括九流如此哉是以俊入四門經聯千佛銀袍鵠化檀筆鸞飄武翊黃之三頭張文成之萬選常雜鮑帖羅甲袁朋波屬雲興粲乎貢部極之汪遵以吏擢蘇渙以盜取高智周以沙門升吉中孚以道士進而寶賁得人新羅有金可記高麗有崔致遠大食有李彥昇無流品之別無華夷之限衡校古今得士之盛於斯爲最英雄入彀

殆非虛語年祀邈遠舊錄散亡史志會要文或踳駁不揣樛昧綴  
而緝之有志復古者尙其鑒諸道光十八年孟夏之月徐松述

登科記考

敘

二

登科記敘

選士命官有國之大典察言考行先王之舊規古者命於鄉而升

於學俾大樂正論造士之秀者而升諸司馬曰進士進士者謂可

進而授之爵祿也然則前一作歷代選士其科不一洎聖唐高祖以

神武靜天下用文教貞萬姓武德五年詔有司特以進士為選士

之目仍古道也自鄉升縣縣升州州升府皆歷試行藝秋會貢於

文昌咸達一作造帝廷以光王國然後會羣后謁先師備牲牢奏金

石尊儒教也若明試其業主張其文覈能否於聽覽之間定取舍

於筆削之下職在考功郎後至元宗開元二十五年重難其事更

登科記考

趙敘

命春官小宗伯主之而業文志學之士知勸矣於是獻藝輸能擅

場中的者榜第揭出萬人觀之未浹旬而名達四方矣近者佐使

外藩司言中禁彈一作戕冠憲府起草粉闈由此與能十恆七八至

於能登台階參密命者亦繁有徒所謂選才授爵之高科求士濫

觴之捷徑也不其然歟粵自武德至乎貞元閱崔氏本記前後嗣

續者在我公為多焉願惟寡昧獲與斯文因濡翰而為之序貞元

十七年三月丁亥校書郎趙倬述文苑英華載此序題作李奕登

科記下言李奕誤也今不取 玉海又引姚康科第錄有長慶二

年五月十二日敘曰自武德已來登科名氏編記凡十餘家皆不  
備具康錄武德至長慶二年列為十三卷漢元  
帝詔云歲以此科第郎從官遂題為科第錄

登科記考

凡例

一唐人撰登科記不下十餘家見於新書藝文志者惟三家而已曰崔氏顯慶登科記五卷姚康科第錄十六卷李奕唐登科記二卷崔氏書自武德逮貞元玉海引中興書目云崔氏登科記一卷是其時已有殘闕後有續之者迄周顯德見書錄解題姚康字汝諧南仲孫也其書自武德至長慶二年十卷續之者自長慶二年畢天祐丙寅爲五卷洪興祖作韓昌黎年譜尚引之書錄解題云洪忠宣僅得其書五卷可見

登科記考

凡例

一

亦非全帙李奕官兵部郎中金吾將軍其書宋時已不存最後有大中十年鄭顥所進諸家科目記十三卷自武德至大中敕付翰林每歲編次見於唐會要而藝文志不載蓋亦久佚也至趙宋時樂史有修定登科錄四十卷作崇文總目時已亡樂史又有雍熙三年正月所上登科記三十三卷郡齋讀書志作三十卷起唐武德訖天祐末紹興三十年十月洪适又重編唐登科記爲十五卷書錄解題云洪忠宣得姚康書五卷於北方丞相适又得別本起武德終大和於毗陵錢伸氏乃合崔氏之書凡三本緝爲一書天寶前姚書爲正天

寶後則三本合爲一晁氏書有樂無洪陳氏書有洪無樂通考始兼收之自茲以後惟見於世善堂書目及玉芝堂談薈今所編輯百不存一海內藏書家儻有流傳秘笈矜而教之使唐賢姓名重光天壤亦藝林之幸也

一宋人著述每引登科記而不言某氏本其總目載馬端臨通考進士之外統曰諸科按讀書志云樂史登科記記進士及諸科登名者是通考用樂史本也今據以爲目編於各年之下諸書所引亦以附焉

登科記考

凡例

二

一圖經家乘例載科目而近世府廳州縣志襲謬承訛動遭指摘如獨孤及於天寶十三載洞曠元經科擢第而河南府志誤作天寶十五年第且不言是制科韓昶於長慶四年登第在韓湘後一年而山陽續志誤作湘與昶同是長慶三年登第畢誠大和六年登第楊乘大中元年登第而蘇州府志誤以畢誠在大和二年楊乘在大中六年至譜牒之詳宜推聖冑然闕里文獻考所載元和五年狀元孔敏行咸通四年狀元孔振中和三年狀元孔拯考之傳記往往牴牾又如宿遷胡氏譜云胡誠唐天祐進士萬載辛氏譜云辛開仕梁開平二年進士亦不知所據顏師古漢書注云私譜之文出於閭

巷家自爲說事非經典苟引先賢妄相假託今同斯例概就刊落惟見於永樂大典所引者皆宋元舊笈事有可徵盡行采錄

一唐之秀才科罷於永徽孝廉科停於建中中葉以還則以秀才爲進士之稱孝廉爲明經之號凡斯之類不可以文害意至其應舉之法通典史志皆言之未詳大抵第明經者仍得舉進士牛蔚王凝是也第進士者亦得舉明經蔡京許孟容是也惟進士得第則止明經有再試之法昌黎贈張童子序云童子一舉而進立於二百人之列又二年益通二經繇是

登科記考

凡例

三

拜衛兵曹之命是也若宏詞拔萃兩科登宏詞者得試拔萃得拔萃者得試宏詞且得再舉張巡以書判拔萃入等蕭昕兩舉宏詞是也制科尤有一人連中數科者員半千陸元方崔融陽嶠連中八科張鷟連中七科裴守眞連中六科李懷遠孫逖連中四科一代之制不可不知

一唐主司自改制後以禮部侍郎任者曰知貢舉他官任者曰權知貢舉皆於上年之秋冬簡任次年正月入闈第傳記所載或稱簡任之年或稱主試之年故每致參差今以主試之年爲定凡有事實類敘知舉之下其應舉者鄉貢進士例於

十月二十五日集戶部生徒亦以十月送尚書省

據溫庭筠勝爲十月

六正月乃就禮部試試三場先雜文次帖經次答策每一場

已卽勝去留通於二月放榜四月送吏部然閩濟美之試東

都則在十一月十二月邱爲有省試夏日可畏詩敬括有省

試七月流火詩或東都試與西都異抑有事改期也明經亦

試三場先帖文次口試次答策三道其試期史無明文河東

記載章丹舉五經元長史言於明年五月及第疑試明經在

進士放榜後

一玉海引中興書目云崔氏登科記一卷載進士諸科姓名是

登科記考

凡例

四

諸科之名始於崔氏樂史沿而不改所謂諸科者謂明法明

字明算史科道舉開元禮童子也明經不在此數何以明之

明經每歲及第將二百人其數倍蓰於進士而登科記總目

所載諸科人數皆少於進士玉海云登科記韻載進士續之

者自元和方列制科言進士制科對明經爲義也韓文五百

家注每詳科目惟牛堪明經及第注文一無徵引知明經爲

記所無矣今之編輯則貴詳贍故於其年明經可考者特書

以補之凡五經二經三經學究一經三禮三傳入明經科明

法以下可考者入諸科

一舉進士而未第者曰進士曰舉進士得第者曰進士第曰前進士新舊唐書於初唐人傳多但言舉進士而不言第卽中葉詳載某年登第亦有未可盡據者如程昔範於元和時登第舊書李紳傳言長慶時事仍曰進士程昔範李景素登第舊書李蔚傳但言景素大和中進士崔嘏登第新書李德裕傳但言嘏舉進士至於雜家小說或言進士或言舉進士人既未詳時亦莫考紛紜參錯載筆殊難又或進士明經紀載互異如竇易直史謂舉明經因話錄作舉進士元德秀史謂舉進士獨異志作舉明經杜景儉史謂舉明經御史臺記作舉進士今於有可考者按年編次折衷求是其確知爲得第而年不可考者萃爲一篇目爲附考系於卷末

登科記考

凡例

五

一登科記有上書拜官上書及第考封氏聞見錄云常舉外有進獻文章並上著述之輩或付本司或付中書考試亦同制舉雲麓漫鈔亦云上書者中書試同進士及第權載之集有元和元年吏部試上書人策問三道是與制舉對策無異惟自武德至顯慶記不乏書至開元四年以後全闕今採傳記所載因上書而拜官實有年歲可考者依其年增入至又有所謂召拜官者蓋如趙贊之薦處士袁滋元宗召拜校書郎

韋夏卿薦處士竇羣德宗召拜拾遺之類不在此例

一唐季科第之弊人主至以進士市恩如劉鄴韋保乂皆賜進士及第論其非由場屋自不應濫入干佛名經惟唐書韋保乂傳直言進士登第與文戰者絕無區別且薛史記天成賜趙贊及第詔明言附其年春榜既附其榜去之則於人數不符況上書拜官尙入科目則同出特恩自宜一例載入

一鄉貢進士由刺史送者爲州試由京兆河南太原鳳翔成都江陵諸府送者爲府試皆差當府當州參軍或屬縣主簿與尉爲試官然喬彝之試幽蘭試官則有二人令狐之鎮三峰

登科記考

凡例

六

秋賦加置五場白居易之在錢塘又自爲試官是其時初無定制至應宏詞及制舉亦或由州府試歐陽詹有懷州應宏詞試片言折獄論見文苑英華郁渾應百篇舉壽州刺史李紳命百題試之見於新書藝文志是可類推也今錄其關省試者府州試故從略

一困學紀聞云唐制舉之名多至八十有六凡七十六科玉海亦言自志烈秋霜而下凡五十九科自顯慶三年至大和二年及第者二百七十人今以舊唐書唐會要冊府元龜文苑英華雲麓漫鈔諸書參考之其設科之名已無慮百數又如

曰吏職清白曰孝弟廉讓見孝子郭思訓墓誌曰穿楊附枝  
見李邕臧懷亮碑曰經明行修見李邕李思訓碑曰五臣見  
李邕程府君碑曰文擅詞場見張說楊志誠碑曰藏器下僚  
見張說平貞睿碑曰精通經史見白居易張擇碑曰武藝超  
絕見蕭穎士集曰才可百里見顏魯公集曰變理陰陽見元  
和姓纂曰韜晦奇才見唐才子傳曰懷能抱器曰牧宰見卓  
異記是知科目之名遺佚者多矣至有所謂八科舉四科舉  
者則是其年以八目設科以四目設科非置科之名也今以  
制舉及第姓氏文章之可考者各標其科若有姓氏而科之

登科記考

凡例

七

名不可考者則依登科記初唐之例標曰應制及第

一玉海載樂史有唐登科文選五十卷文苑英華載唐人賦策  
每引登科記注其異同是登科記載試文之證今據文苑英  
華及本集所載或因人以考其文或因文以知其人各依其  
年載之先進士次制科宏詞拔萃又次之進士始惟試策垂  
拱以前載策爲多後以雜文爲第一場故又專錄賦詩焉

一唐人試賦限韻自王邱始其試詩則注曰題中用韻限若干  
字成或曰以某字爲韻若干字成今於有可考者附載於詩  
賦題下唐人試策皆寫題於試卷今則列問於前數人同試

者不重錄

一宏詞試文三篇拔萃試判三條是吏部選人之法原無關於禮闈惟冊府元龜唐會要宏詞拔萃皆與制科類序文苑英華詩賦門宏詞與省試同載其典同度管判常非月名下注引登科記月作自是登科記載宏詞拔萃之證今亦按年序入以備一代之制

一登科記舊係按年編次故仍用編年之體載諸帝之徽號列武后之建元用通鑑例也其朝廷大事如封禪之典播遷之變有關貢舉者據新舊書本紀及通鑑載之

登科記考

凡例

八

一唐會要貢舉門有論經義一類載經疏緣起以至五經文字九經字樣皆因明經而類及之也今因貢舉謁先師故及褒崇先聖因設明法科故及改定律令至冊府元龜貢舉門於條制考試之外又立清正謬濫諸目既用編年悉所不取又有事關貢舉而無年月可稽者於編年之例未符亦所不錄

一登科記之外尚有諱行錄文場盛事諸書玉海引中興書目云諱行錄一卷以四聲編進士族系名字行第官秩及父祖之諱主司名氏文場盛事一卷載唐人世取科第及父子兄弟門生座主同時者今用其意於登科人族系宦秩瑣事遺

文皆載之據言又有元和元年登科記專載等第謂之神州等第錄茲於據言所載等第事亦按年附於進士之下

一玉海引中興書目通考引書錄解題皆有五代登科記一卷起梁開平二年至周顯德六年記姓名及試題茲亦編敘五代別爲二卷至十國之蜀漢南唐皆置貢舉契丹亦禮部試士其時如張昭遠之第於漢當同光之四年伍喬之第於南唐當乾祐之元年宋琪之第於契丹當天福之六年雖與五代同時而閏位偏安事非畫一且非原書之例故從蓋闕

一正史稗官及唐人藝文言涉貢舉皆關考證茲於卷末另釐

登科記考

凡例

九

爲別錄三卷仍以類相次

登科記考

目錄

第一卷

起高祖武德元年

盡太宗貞觀二十三年

第二卷

起高宗永徽元年

盡永淳二年

第三卷

登科記考

目錄

起則天光宅元年

盡長壽三年

第四卷

起則天證聖元年

盡中宗景龍四年

第五卷

起睿宗景雲二年

盡元宗開元六年

第六卷

元宗開元七年

第七卷

起元宗開元八年

盡開元二十年

第八卷

起元宗開元二十一年

盡開元二十九年

第九卷

起元宗天寶元年

登科記考

目錄

盡天寶十五載

第十卷

起肅宗至德二載

盡代宗大曆九年

第十一卷

起代宗大曆十年

盡德宗興元元年

第十二卷

起德宗貞元元年

盡貞元七年

第十三卷

起德宗貞元八年

盡貞元十年

第十四卷

起德宗貞元十一年

盡貞元十六年

第十五卷

起德宗貞元十七年

登科記考

目錄

盡順宗永貞元年

第十六卷

憲宗元和元年

第十七卷

起憲宗元和二年

盡元和四年

第十八卷

起憲宗元和五年

盡元和十五年

第十九卷

起穆宗長慶元年

盡長慶四年

第二十卷

起敬宗寶曆元年

盡文宗大和三年

第二十一卷

起文宗大和四年

盡開成五年

登科記考

目錄

第二十二卷

起武宗會昌元年

盡懿宗咸通元年

第二十三卷

起懿宗咸通二年

盡僖宗文德元年

第二十四卷

起昭宗龍紀元年

盡昭宣帝天祐四年

第二十五卷

起梁太祖開平元年

盡唐廢帝清泰二年

第二十六卷

起晉高祖天福元年

盡周世宗顯德六年

第二十七卷

附考

第二十八卷

登科記考

目錄

別錄上

第二十九卷

別錄中

第三十卷

別錄下

登科記考卷一

大興徐松

唐高祖神堯大聖光孝皇帝

武德元年

戊寅

五月甲子高祖卽皇帝位於太極殿大赦天下改隋義甯二年爲

唐武德元年

舊書本紀

壬申命裴寂劉文靜等修定律令置國子太學四門生合三百餘

員郡縣學亦各置生員

通鑑

按新書選舉志國子學生三百人太學生五百人四門學生千三百人此言

合三百餘員者志所載後來增益之數也志又云自高祖初入長安開大丞相府下令置生員自京師至於州縣皆有數是以爲卽

位以前事

登科記考

卷一

一

十一月四日詔皇族子孫及功臣子弟於祕書外省別立小學

唐會

要

上書拜官一人

二年

己卯

六月戊戌

按會要戊戌爲朔日

詔曰盛德必祀義存方策達人命世流慶後

昆建國君臨宏風闡教崇賢章善莫尙於茲自八卦初陳九疇攸

敘徽章旣革節文不備爰始姬旦主翊周邦創設禮經大明天典憲

啟生民之耳目窮法度之本原起化二南業隆八百豐功茂德獨

冠終古暨乎王道旣衰頌聲不作諸侯力爭禮樂陵遲粵若宣尼

天姿叡哲經過齊魯之際揖讓洙泗之間綜理遺文宏宣舊制四  
科之教歷代不刊三千之徒風流無歇惟茲二聖道著生民宗祀  
不修孰明衰尙朕君臨區宇興化崇儒永言先達情深紹嗣宜令  
有司於國子學立周公孔子廟各一所四時致祭仍博求其後具  
以名聞詳考所宜當加爵土舊書本紀  
冊府元龜

不貢舉

三年庚辰

不貢舉

四年辛巳

登科記考

卷一

二

正月於門下省置修文館唐會要 按此為  
西內之門下省

四月十一日一作一日敕諸州學生及白丁有明經及秀才俊士進士

明於理體為鄉曲所稱者委本縣考試州長重覆取上等人每年

十月隨物入貢據言 按隋書煬帝置進士科通鑑武德元年有  
明經劉蘭成胡三省注曰劉蘭成蓋嘗應明經科

因稱之其時唐未貢舉是隋亦有明經矣故新選舉志云唐取士  
之科多因隋舊也志又云每歲仲冬州縣館監舉其成者送之尚

書省與據言  
言十月者異

五月乙丑以竇建德平赦山東詔曰奇才異行隨事旌擢冊府元  
龜 唐

大詔  
令集

七月丁卯以王世充平大赦天下詔曰奇才異行隨狀薦舉冊府元  
龜

唐大詔令集

不貢舉

是年下詔而舉人至明年始集故曰不貢舉永樂大典載衡水縣圖經志云蓋文達字藝成冀州衡水縣人武德四年以經明行修徵為國子博士按冀州為寶建德地此或因赦詔而舉之

五年壬午

三月詔曰擇善任能救民之要術推賢進士奉上之良規自古哲

王宏風闡教設官分職惟才是與然而巖穴幽居草萊僻陋被褐

懷珠無因自達實資選眾之舉固藉左右之容義在搜揚理宜精

擢一作確是以貢士有適爰致加錫之隆無益於時必貽貶黜之咎

末葉澆偽名實相乖取非其人濫居班秩流品所以未穆庶職於

登科記考

卷一

三

是隳廢朕膺圖御宇甯濟兆民思得賢能用清治本招選之道宜

革前弊懲勸之方式加恆典苟有才藝所貴適時潔己登朝無嫌

自進宜令京官五品以上及諸州總管刺史各舉一人其有志行

可錄才用未申亦聽自舉具陳藝能當加顯擢授以不次賞罰之

科並依別格所司頒下詳加搜引務在獎納稱朕意焉冊府元龜唐大詔

令集按此為制舉之始

十月諸州共貢明經一百四十三人秀才六人俊士三十九人進

士三十人摭言

十一月引見敕付尚書省考試摭言

十二月吏部奏付考功員外郎申世甯考試秀才一人俊士十四人所試並通敕放選與理人官其下第人各賜絹五疋充歸糧各勤修業

言

秀才一人

進士四人

摭言作進士十四人登科記作進士四人按玉海引趙修登科記序曰武德五年詔有司特以進士為選士之目是此年有進士摭言作俊士

孫伏伽

玉芝堂談薈載唐宋以來狀元姓名始於唐高

祖武德元年孫伏伽為唐第一科狀元惟唐貢舉始於武德五年言元年者誤又按舊書伏伽於武德元年上書已授治書侍御史五年免官尋起為刑部郎中豈免官時應舉耶其時草昧初開未可以常格論之

李義琛 李義

玟 李上德

摭言武德五年李義琛與弟義玟從弟上德三人同舉進士義琛等隴西人世居鄴城國初草創未定家

登科記考

卷一

四

素貧乏與上德同居事從姑定省如親焉隨計至潼關遇大雪逆旅不容有成陽商人見而憐之延與同寢處居數日雪霽而去琛等議鬻驢以一醉酬之商人竊知不辭而去復先贈以稻糧琛後宰咸陽召商人與之抗禮義琛位至刑部侍郎雍州長史義玟相高宗皇帝上德司門郎中舊書李義玟傳義玟魏州樂昌人父元德義玟少舉進士新書云義玟從祖弟義琛擢進士第按義玟之父名元德則上德似非義玟從弟

知貢舉

申世甯

見上按通典云武德舊制以考功郎中監試貢舉此以員外郎者定制之初不必畫一也

六年

癸未

進士四人

七年

甲申

二月己酉詔曰六經茂典百王仰則四學崇教千載垂範是以西

膠東序春誦夏絃說禮敦詩本仁祖義建邦立極威必繇之自叔  
世澆訛雅道淪缺縣歷歲紀儒風莫扇隋季以來喪亂滋甚瞻言  
篇籍皆爲煨燼周孔之教闕而不知庠塾之儀泯焉將墜非所以  
闡揚徽烈敦尙風範訓民調俗垂裕後昆朕受命膺期握圖御宇  
思宏治道冀宣德化永言墳索深存講習所以摅摭遺逸招集散  
亡諸生胄子特加獎勸而凋弊之餘湮替日久學徒尙少經術未  
隆子矜之歎無忘興寢方今函夏旣清干戈漸戢搢紳之業此則  
可興宜下四方諸州有明一經已上未被升擢者本屬舉送具以  
名聞有司試策加階敘用其吏民子弟有識性開敏志希學藝亦  
登科記考

卷一

五

具名狀申送入京量其差品並卽配學明設考課各使勵精琢玉  
成器庶其非遠州縣及鄉里各令置學官僚牧宰或不存意普更  
頒下早遣修立夫安上治民莫善於禮出忠入孝自家刑國揖讓  
俯仰登降折旋皆有節文咸資端肅罔習末業隨時廢紀凡厥生  
民各宜勉勵

冊府元龜

唐大詔令集

通鑑按

是時秀才進士明經皆試策而已

丁巳

按會要爲

上幸國子監

按監當

釋奠詔諸王公子弟各就學

以周公爲先聖孔子配

通鑑新書禮志

五月裴寂等奏上選定律令頒行天下

舊書刑法志

七月詔曰自隋以來離亂永久雅道淪缺儒風莫扇朕膺期御宇

靜難齊民欽若典謨以資政術思宏德教光振遐軌是以廣設庠序益召學徒旁求俊異務從獎擢甯州羅川縣前兵曹史孝謙守約邱園伏膺道素爰有二子年並幼童講習孝經咸暢厥旨義方之訓實堪勵俗故從優秩賞以不次宜普頒示咸使知聞如此之徒並卽申上朕加親覽時將褒異冊府元龜按新書選舉志凡童子科十歲以下能通一經及孝經論語誦文十通者予官通七經予出身按此卽童子科所由昉也

秀才二人

進士六人

八年乙酉

登科記考

秀才一人

進士五人

九年丙戌

三月改修文館爲宏文館唐會要按在  
西內門下省東

八月癸亥制傳位於太子甲子太宗卽皇帝位大赦天下詔曰高

年碩學直言正諫所在長官隨狀薦舉冊府元龜唐大  
詔令集通鑑

九月上於宏文殿聚四部書二十餘萬卷置宏文館於殿側取三

品已上子孫充宏文館學士通鑑按宏文殿在凝陰殿北爲西  
內之正北此自門下省移於此也學

士當作  
學生

十二月二十九日詔曰宣尼以大聖之德天縱多能王道藉以裁成人倫資其教義故孟軻稱生人以來一人而已自漢氏馭歷魏室分區爰及晉朝暨於隋代咸相崇尚用存享祀朕欽若前王憲章故實親師宗聖是所庶幾存亾繼絕抑爲通典可立孔子後爲褒聖侯以隋故紹聖侯孔嗣恭嫡子德倫爲嗣主者施行贈秦師孔宣公碑陰按冊府元龜以德倫封褒聖侯爲貞觀十年事誤當以碑爲正

秀才二人

進士七人

知貢舉

按太宗於武德四年開文學館有記室考功郎中房元齡通鑑於九年六月有行臺考功郎中房元齡蓋爲秦府之

登科記考

卷一

七

官非知舉也

唐太宗文武大聖大廣孝皇帝

貞觀元年

丁亥

正月乙酉改元舊書

上命吏部尚書長孫无忌等與學士法官更議定律令

通鑑舊書刑法志

命長孫无忌房元齡與學士法官更加釐改

五月改國子學爲國子監

唐會要舊書職官志以此爲二年事

敕現在京官文武職事五品以上子

按子下疑有脫字

有性愛學書及有

書性者聽於宏文館內學書其書法內出其年有二十四人入館

敕虞世南歐陽詢教示楷法

唐會要

黃門侍郎王珪奏宏文學生學書之暇請置博士兼肄業焉敕太

學助教侯孝遵授其經典著作郎許敬宗授以史漢

唐會要

策進士問獄市之寄自昔為難寬猛之宜當令不易緩則物情恣

其詐急則奸人無所容曹相國所以殷勤路廷尉於焉太息韋弦

折衷歷代未聞輕重淺深仁承嘉議 問棘津登輔不因階於尺

木莘郊作相豈憑資於累遷蓋道有依存時無可廢爰暨澆訛必

循班序先容乃器因地拔萃共相沿襲遂成標準今聖上務切懸

旌心搖啟繇雖衣冠華允已喬遷於周列而衡泌幽人罕遙集於

登科記考

卷一

八

魏鼎豈英靈不孕於山澤將物理自係於古今無蔽爾辭切陳其

致文苑英華

秀才二八

進士四人 敬播 舊書儒學傳敬播蒲州河東人貞觀初舉進士

此 上官儀 舊書本傳本陝州陝人父宏隋江都宮副監因家於

觀初楊恭仁為都督深禮待之舉進士 按楊恭仁於武德九年

七月為雍州牧行揚州大都督府長史二年不貢舉則儀當於元

年及 張越石 張楚金 舊書忠義傳張楚金少有志行事親以

第 將罷越石而薦楚金辭曰以順則越石長以才則楚金不如固請

乃俱薦擢第按舊書李勣傳太宗即位拜并州都督太平廣

記引廣人物志亦云貞觀元年勣為并州都督楚金并州人

應制及第

謝偃

舊書文苑傳謝偃衛縣人本姓直勒氏祖孝政北齊散騎常侍改姓謝氏偃貞觀初應詔對策

及第

知貢舉

按通典貞觀以後貢舉考功員外郎專掌之

盧承慶

舊書本傳貞觀初爲秦州都督府戶曹參軍因

奏河西軍事太宗奇其明辨擢拜考功員外郎

上官儀對策曰讓袂九流披懷萬古覽玉錄之奧義覲金簡之遺

文覲皇王臨御之迹詳政術樞機之旨莫不則乾剛而張禮樂法

霆震而置威刑縱使軒去鼎湖非無涿鹿之戮舜辭雷澤遂有崇

山之誅自皋陶不嗣忿生長往甫侯設法徒有說於輕重子產鑄

書竟無救於衰敗是知風溘俗厚草艾而可懲主僻時昏黥鑿而

登科記考

卷一

九

猶犯我君出震繼天承圖化宰孕十堯而遐舉吞九舜而上征猶

以爲周書三典旣疏遠而難從漢律九章已偏雜而無準方當採

章弦於往古施折衷於當今若能詔彼刑章定金科之取捨徵其

張趙平丹書之去留必使楚國受金不爲莊生所責長陵盜土必

用張子之言謹對 鳳德方亨必資英輔龍光未聘實俟明君旣

藏器以須時亦虛襟而待物莫不理符靈應道叶冥通類霜降而

鐘鳴同雲蒸而礎潤秘策赴之如投水神心應之若轉規用能感

會一時抑揚千古是以沈鱗暫躍遂游泳於天漢墜羽纔遷乃騰

躡於日陸宏心體之妙旨播舟水之嘉謀義列丹青德融金璧迨

乎時鍾季叔化漸澆訛拔萃之惠罕流因地之階愈篤使西都金子奕葉稱榮東國袁生八公爲貴廷尉之明窮識理十載無知黃門之妙極摛文八遷甯進徒使于星秀氣永翳窮塵照廡奇光長湮幽石自可循風市馬襲軌畫龍三反不虧七年無廢棧棧束帛指邱園而畢陳翹翹車乘望林泉而載轄則材標海若霧集丹墀德表星精雲飛紫闕豈直高尚之士遙集於台司衡泌之儔喬遷

於鼎職謹對

文苑英華

二年

戊子

十二月尙書左僕射房元齡國子博士朱子奢建議云武德中詔

登科記考

卷一

十

釋奠於太學以周公爲先聖孔子配享臣以周公尼父俱稱聖人庠序置奠本緣夫子故晉宋梁陳及隋大業故事皆以孔子爲先聖顏回爲先師歷代所行古今通允伏請停祭周公升夫子爲先

聖以顏回配享詔從之

唐會要

二十一日置書學隸國子學

唐會要按職官志武德初廢書學此年復置國子學當作國子監

移宏文館於納義門西

按納義門在西內嘉德門之西廊此自宏文殿側移宏文館於此

王珪奏

請爲學生置講經博士考試經業准式貢舉兼學書法

唐會要舊書儒學

傳序曰貞觀二年大徵天下儒士以爲學官敷幸國學令祭酒博士講論畢賜以束帛學士能通一大經已上咸得署吏又於國學增築學舍一千二百間國學四門博士亦增置生員其書算合置博士學生以備藝文凡三千二百六十員其元武門屯營飛騎亦

給博士授以經業有能通經者聽之貢舉

米貴不貢舉

三年

己丑

四月詔曰百行之本要道惟先一言終身恕而已矣春生夏長寬裕之令行焉齊禮道德恥格之義斯具朕爰自幼年夙懷庭訓豈徒學聞詩禮因令匡定家國是以提三尺之劍起一旅之師戮鯨鮪於原野救蒸人於塗炭雲雷締構備嘗夷險仁發於心義形於色大敵必勇非爲身謀大愍必誅志安天下太上皇留情姑射尙想軒轅駐蹕大安使朕正居紫極顧惟虛薄辭不獲免祇奉制誥

登科記考

卷一

七

負展當朝乃眷宮宇載懷冰谷未明求衣乙夜忘寐靜思七政言念九功何以啓上元之心稱嚴君之志欲勤恤典刑舉直錯枉允釐人瘼任賢用能拯濟困窮抑損澆僞開直言之路廣不諱之門聞所未聞日慎一日望人皆見德變於至道若一物失所一人有怨則朕躬之責訓道不明也朕聞書曰至誠動神況於百辟乎況於兆庶乎比聞遠近黔黎恥爲盜賊州縣圍圉多並空虛豈繇德教至此自是人知厭亂因其遷善可以化之朕往因征伐行天下多矣每見村落邱墟未嘗不撫膺歎息自登九五不許橫役一人惟冀遐邇休息得相存養長幼有序敬讓興行其孝義之家賜粟

五石高年八十以上粟一石九十以上三石百歲加絹二疋婦女  
正月以來生男粟一石鰥寡惇獨不能自存逃戶初還郊無糧貯  
州縣長官量加賑恤諸州官吏或正直廉平刑清訟息或貪婪貨  
賄害政損人宜令都督刺史以名封進白屋之內閭閻之人但有  
文武材能灼然可取或言行忠謹堪理時務或在昏亂而肆情遇  
太平而克己亦錄名狀與官人同申泣辜慎罰前王所重枉繫一  
日事等三秋州縣法司特宜存意普告天下知朕意焉

冊府元龜  
唐大詔

令集 按此詔所言  
即制舉科目之始

秀才二人

登科記考

卷一

三

進士五人

四年 庚寅

詔州縣皆作孔子廟 新書  
禮志

詔前中書侍郎顏師古於秘書省考定五經 貞觀  
政要

秀才一人

進士九人

五年 辛卯

秀才一人

進士十五人

明經科

錢元脩

羅隱揚威將軍錢公列傳公諱元脩字文通貞觀五年策試通經補長興縣博士

六年

壬辰

二月戊子初置律學

舊書本紀按職官志隋以律學隸大理寺武德初隸國子監尋廢至此復置

秀才一人

進士十二人

應制及第

崔信明

舊書文苑傳信明青州益都人祖滔信明貞觀六年應詔舉授興世丞

七年

癸巳

十一月丁丑頒新定五經

舊書本紀舊書顏師古傳云太宗以經籍去聖久遠文字訛謬令師古於秘書省考定五經師古多所釐正既成奏之太宗復遣諸儒重加詳議於時諸儒傳習已久皆共非之師古輒引晉宋已來古今本隨

登科記考

卷一

七

言曉答援據詳明皆出其意表諸儒莫不歎服於是頒其所定之書於天下令學者習焉蓋四年詔師古考定五經至是頒行今五經正義中每引定本卽其時所頒之本也

秀才二人

進士十三人

應制及第

鄭敞

薛稷故洛州洛陽令鄭府君碑公諱敞字仲高榮陽開封人貞觀七年制策高第授越州都督

府參軍按敞卽仁基之子

八年

甲午

正月壬寅命尙書右僕射李靖特進蕭瑀楊恭仁禮部尙書王珪

御史大夫韋挺鄜州大都督府長史皇甫無逸揚州大都督府長

史李襲譽幽州大都督府長史張亮涼州大都督李大亮右領軍大將軍竇誕太子左庶子杜正倫綿州刺史劉德威黃門侍郎趙宏智使於四方觀省風俗詔曰昔者明王之御天下也內列公卿允釐庶績外建侯伯司牧黎元唯其淳化未敷名教或替故有巡狩之典黜陟幽明存省方俗遐邇遂性情偽無遺時雍之宜率由茲道朕祇膺寶命臨御帝圖稟過庭之義方荷上元之嘉祉四荒八表無思不服而夙興夕惕勤躬約己日慎一日雖休勿休欲萬國歡心兆民有賴推誠待物近取諸身實謂羣官受拜咸能自勵乃聞連帥刺舉或乖共治之寄縣司主吏尙多黷貨之罪有一於

登科記考

卷一

古

此責在朕躬是用中夜憮然晨景輟食宜遣大使分行四方申諭朕心延問疾苦觀風俗之得失察政刑之苛弊耆年舊齒孝弟力田義夫節婦之家疾廢憊瘵之室須有旌賢賑贍聽以倉庫物賜之若有宏材異等留滯末班哲人奇士隱淪屠釣宜精加搜訪進

以殊禮務盡使乎之旨俾若朕親覲焉

舊書本紀  
唐大詔令集

三月三日詔加進士試讀經史一部

冊府元龜  
唐會要  
按進士初惟試時務策五道至是

加讀經史仍試  
以策非帖經也

秀才一人

進士九人

李義府

舊書本傳瀛洲饒陽人其祖爲梓州射洪縣丞因家於承泰貞觀八年劍南道巡察大使

李大亮以義府善屬文表薦之對策擢第冊府元龜李義府舉進士劉洎馬周薦之太宗令詠烏援筆爲詩曰何惜鄧林樹不借一枝栖太宗喜曰當盡借卿全樹何止一枝也尋除爲監察御史

九年乙未

五月二十日敕自今以後明經兼習周禮若儀禮者於本色內量

減一選冊府元龜唐會要

是年移宏文館於門下省南唐會要按自納義門內西移此其後移仗大明宮亦在門下省南

進士六人此數年或無考秀才按唐語林云唐朝初明經取通兩經先帖文乃按章疏試墨策十道秀才試方略策三道

進士試時務策五道其後舉人掣於方略之科爲秀才者殆絕而多趨明經進士

十年丙申

登科記考

卷一

七

進士十一人

十一年丁酉

正月庚子頒新律令於天下舊書本紀

四月詔曰朕以寡薄嗣守鴻基實資多士其康庶政虛己側席爲

日已久投竿捨築罕值其人自親巡東夏觀省風俗興言至治夕

惕兢懷然則齊趙魏魯禮義出自江淮吳會英髦斯在山川所感

古今甯殊載佇風猷實勞夢想宜令河北淮南諸州長官於所部

之內精加訪採其孝弟淳篤兼閑時務儒術該通可爲師範文詞

秀美才堪著述明識治體可委字民並志行修立爲鄉里一作閭所

推者舉送雒陽宮各給傳乘優禮發遣當隨其器能擢以不次若  
之道稱朕意焉舊書本紀  
唐大詔令集

七月庚寅此據舊書新  
書作乙未以水災詔諸州官民有能明識治道方正

直諫者並宜薦達朕將親見其人問以得失冊府元龜

丙午按會要是  
二十四日修宣尼廟於兗州舊書本紀  
按新書禮志云十  
一年詔尊孔子為宣父作廟於

兗州

秀才一人

進士八人

登科記考

十二年戊戌

二月丁丑幸國子學親觀釋奠國子祭酒以下官及學生高第精

勤者加級賜帛各有差冊府元龜

詔國子祭酒孔穎達等撰五經義訓舊書孔穎達傳  
按傳十二  
年拜國子祭酒與顏師古司

馬才章王恭王琰等諸儒受詔撰定五經義訓凡一百八十卷名

曰五經正義太宗下詔曰卿等博綜古今義理該洽考前儒之異

說符聖人之幽旨實為不朽付國子監施行又冊府元龜云穎達

為國子監祭酒與諸儒撰正五經義疏數年乃成蓋於十二年拜

祭酒受詔撰義疏十五年乃成而馬嘉運等每掎摭之故十六年  
有詔更定也通鑑載於十四年非是考正義序穎達列其同撰義  
疏人姓名易疏為朝散大夫行太學博士王德韶前四門助教李  
乾叶書疏為朝散大夫行太學博士王德韶前四門博士齊威  
詩疏為朝散大夫行太學博士王德韶徵事郎守四門博士齊威  
禮記疏為中散大夫守國子司業朱子奢國子助教李善信守太

學博士賈公彥行太常博士柳士宣魏王東閣祭酒范義穎魏王參軍事張權春秋左氏傳疏為朝請大夫國子博士谷那律故四門博士楊士勛四門博士朱長才又唐會要云穎達撰義疏一百七十卷名曰義贊有詔改為五經正義又按孔穎達碑云奉敕預撰五經義疏公博極羣書遊口眾藝削前口之紕繆率往哲之口口誠萬古之儀刑實一代之準的蒙敕改名五經正義付國子監施行是穎達所撰初名義疏非義訓義贊也

秀才一人

進士十一人

十三年己亥

秀才二人

進士十七人

登科記考

十四年庚子

二月丁丑上幸國子監觀釋奠命祭酒孔穎達講孝經賜祭酒以

下至諸生高第帛有差通鑑

秀才一人

進士五人

應制及第

李楚才

楊炯原州百泉縣令李君神道碑君諱楚才衛州衛縣人貞觀元年授長樂監十四年應

詔四科舉射策登甲第

十五年辛丑

四月辛卯詔以來年二月有事泰山

舊書本紀

六月戊申詔曰朕遐觀前載歷選列辟莫不貴此得人崇茲多士  
猶股肱之佐元首譬舟楫之濟巨川若夫構大厦者採眾材於山  
岳善爲國者求異人於管庫是以陶唐有虞揖讓之聖帝也非元  
凱不能成茂功商湯姬發革命之明王也非伊呂無以定禍亂況  
乎齊桓中人之才器非濬哲漢武嗣業之主志在驕奢猶賴管仲  
隰朋之相平津博陸之輔既爲五霸之主亦稱萬代之宗是知得  
士則昌失人則亂朕冕旒夙夜虛心政道雖天地效祉宗社降靈  
區宇晏如俊乂咸事尚恐山林藪澤蔽荆隋之寶卜築屠釣韞蕭  
張之奇是以躬撫黎庶親觀風俗臨河渭而佇英傑眺箕頊而懷  
登科記考

卷一

六

隱淪亟移日月空勞夢寐而驪龍莫兆商歌寂寥豈混跡鶩駘未  
逢良樂之願將毓德岩穴方追禽向之遊望雲長想增其歎息可  
令天下諸州搜揚所部士庶之內或識達公方學綜今古廉潔正  
直可以經國佐時或孝悌淳篤節義昭顯始終不移可以敦風勵  
俗或儒術通明學堪師範或文章秀異才足著述並宜薦舉具以  
名聞限來年二月總集泰山庶獨往之夫不遺於版築藏器之士  
方升於廊廟務得奇偉稱朕意焉

舊書本紀 冊府元龜 唐大詔令集

己酉有星孛於太微太史令薛頤上言未可東封辛亥起居郎褚

遂良亦言之丙辰詔罷封禪

通鑑

秀才一人

進士十四人

十六年

壬寅

敕趙宏智與孔穎達覆更詳審五經正義

五經正義序按序言十六年奉敕與前修疏

人及給事郎守四門博士上騎都尉蘇德融為易正義十四卷通

直郎行四門博士驍騎尉朱長才給事郎守四門博士上騎都尉

蘇德融登仕郎守太學助教雲騎尉隨德素儒林郎守四門助教

雲騎尉王士雄為書正義二十卷給事郎守太學助教雲騎尉趙

乾叶登仕郎守四門助教雲騎尉賈普耀為詩正義四十卷儒林

郎守太學助教雲騎尉周元達儒林郎守四門助教雲騎尉趙君

贊儒林郎守四門助教雲騎尉王士雄為禮記正義七十卷朝散

大夫行太學博士上騎都尉馬嘉運朝散大夫行太學博士上騎

都尉王德韶給事郎守四門博士上騎都尉蘇德融登仕郎

守太學助教雲騎尉隨德素為春秋左氏傳正義三十六卷

登科記考

卷一

九

不貢舉

十七年

癸卯

五月乙丑手詔曰朕觀前烈建國君臨未有不藉忠良而能濟其

功業者也朕顯承宗祀獲奉鴻基側席求賢有年載矣而山林莫

致珍玩必臻豈朕好惡之情未達於下其令州縣舉孝廉茂才好

學異能卓犖之士

冊府元龜

進士十五人

明經科

蕭灌

張說贈吏部尚書蕭公神道碑公諱灌字元茂蘭陵人年十八明經高第補代王功曹以永淳元年

卒年五十七推

之登第在是年

十八年甲辰

三月己丑

會要作二月六日

有鄜州

會要作汴州鄜諸州

所舉孝廉賜坐於御前帝

問曰歷觀往古聖帝明王莫不得一奉天必以黎元爲本隆邦建國亦以政術爲先天以氣變物莫知其象君以術化人不顯其機氣以隱質爲虛術以潛通爲妙運之無爲施之無極故能清風蕩

萬域長轡控八荒不令而行不言而信欲尊其術未辨其方想望

高才以陳良策孝廉等文之

按文之二一

無對又令皇太子問之曰

夫子何以爲曾參說孝經孝廉答曰夫子以弟子之中參稱最孝

所以爲說太子曰禮記云公明儀問曾子曰夫孝子先意承志喻

登科記者

卷一

三

父母於善參直養而已安能爲孝據此而言參未云孝又問禮云居處不莊非孝也事君不忠非孝也蒞官不敬非孝也朋友不信非孝也戰陣無勇非孝也五者不遂災及於親此五孝施用若爲差等孝廉不能答次令近臣迭問仁孝之名誰所創作明其優劣仁孝何先又問孝廉於四行之內居第幾科又問社主之義殷柏周粟秦漢以來若爲變改又問堯舜聖德應貽厥孫謀何因朱均以後絕滅無後孝廉並不能答帝曰昔楚莊王謀事羣臣莫及<sub>一作</sub>退而有憂色曰諸侯能自得師者王自爲謀而莫己若者亡今以不穀之不肖<sub>一作</sub>羣臣言莫吾逮吾國能免於亡乎朕發詔徵

天下俊異纔以淺近問之咸不能答海內賢哲將無其人耶朕甚  
憂之令引就中書省射策所答乖旨於是下詔曰朕遐想千載旁  
覽九流詳加布政之方莫若薦賢之典是以元凱就列仄微可以  
立帝功管隲爲臣中人可以成霸業朕緬懷曩烈虛己英奇斷斷  
之士必升於廊廟九九之術不棄於閭閻猶恐在陰弗和獨善難  
奪永言髦傑無忘寤寐是以去夏之中爰動翰墨披露丹府疇咨  
海內尺木旣樹思覩游霧之羣雲羅宏舉佇降翔庭之翼而諸州  
所舉十有一人朕載懷仄席引入內殿借以溫言略訪政道莫能  
對敷相顧結口朕仍以其未覩闕廷能無戰慄一作悚令於內省更

登科記考

卷一

三

以墨對雖構思彌日終不達問旨理旣乖違詞亦庸陋豈可飾丹  
漆於朽質假風雲於決起者哉宜令放還各從本色其舉主以舉  
非其人罪論仍加一等然則今之天下猶古之天下也甯容仲舒  
伯始之流偏鍾美於往代彥和廣基之侶獨絕響於今辰故其見  
知也則平準與樂安並進其不用也則敬通與亭伯同悲淮陰所  
以興言子長所以貽歎因斯論之良繇俊造難進或固棲遲之節  
牧宰循常未盡揆揚之道撫事長息彌增慙然其令州縣依前薦  
舉皆集今冬奇偉必收浮華勿採無使巴人之調濫吹於簫韶魏  
邦之珍沈光於江漢務盡報國之義以副興賢之懷

冊府元龜  
按唐大詔令

集入此詔於十年誤應從冊府

秀才一人

進士二十四人

冉實

張說河州刺史冉府君神道碑公諱實字茂實弱冠太學生進士擢第以證聖元年

卒年七十一推之是年二十歲

十九年乙巳

二月庚戌上親征高麗乙卯詔皇太子留定州監國太子令曰仰

惟聖訓奉以周旋虛想異人共康神化式遵曩軌分驚翹車企覲

英靈欽聞政道宜頒下州郡妙簡賢良其有理識清通執心貞固

才高位下德重位輕或孝弟力田素行高於州里或鴻筆麗藻美

登科記者

卷一

三

譽陳於天庭或學術該通博聞千載或政事明允才為時新如斯

之倫並堪經務而韜光勿用仕進無階委身蓬華深為可歎所在

官僚精加訪採庶使垂綸必察操築無遺一善弓旌咸宜舉送於

是州郡所舉前後至者數百人

舊書本紀冊府元龜

秀才三人

上書拜官一人

二十年丙午

策進士問惟堯則天全頴陽之節惟禹奠川遂滄州之美然則高

潔之士出於盛明廉潔之質不生澆季自皇唐受命驅駕前古貞

避不聞風軌莫繼豈端操之範獨秘於往辰將奔競之徒頓聘於  
茲日緬懷長往有情深衷佇聽諸賢以祛心疚 問元默垂拱理  
歸上德法令滋彰事鍾澆季是以唐虞畫象四罪而咸服姬夏訓  
刑三千而愈擾故知勝殘去殺必在於宏仁反樸還淳不務於多  
辟方知削茲三尺專循五禮幸陳用舍之宜以適當時之要  
六月詔曰高明之天資星辰以麗象博厚之地藉川嶽而成形況  
於帝王體元立極臨馭萬物宇養生靈者乎所以致治之君遠讒  
佞近忠良屈己以伸人故能成其化爲亂之主親不肖疏賢臣虐  
下以恣情用能成其亂明君遵彼以興國暗主行此以凶身是以

登科記考

卷一

三

朽壤毀於蓮峯巨蠹傷於翠葉蓮峯墜澗竟無反嶺之期翠葉隨  
風終無歸林之望故知凶者難以復生敗者不可重全所以馭朽  
臨水銘心自戒宵興旰食側席賢庶欲博訪邱園搜採英俊彌  
我王道臻於太平可令天下諸州明揚側陋所部之內不限吏人  
其有服道棲仁澄心勵操出片言而標物範備百行以綜人師質  
高視於琳瑯人不間於曾閔潔志叩園揚名里閭或甄明政術曉  
達公方稟木鐸於孔門受金科於鄭相奇謀間發明略可以佐時  
識見清通偉才長於幹國或含章傑出命世挺生麗藻道文馳楚  
澤而方駕鉤深覩奧振梁苑以先鳴業擅專門詞高載筆或辨彤

春圃談瑩秋天發研機於一言起飛電於三寸蓄斯奔箭未遂揚  
庭並宜推擇咸同舉薦以禮將送具狀表聞限以今冬並與考使  
同赴庶使焚林之舉咸矯異於巖廊尺木之階方振鱗於游霧翹  
心俊又稱朕意焉主者施行冊府元龜 唐大詔令集 按詔令  
年正月六日從冊府 集作二十一年六月文苑英華作二  
此詔許敬宗所草

### 秀才一人

### 進士三人

張昌齡

舊書文苑傳張昌齡冀州南宮人弱冠以文  
詞知名本州欲以秀才舉之昌齡以時廢此

科已久固辭乃充進士貢舉及第 新書昌齡與王公治齊名皆  
為考功員外郎王師旦所細太宗問其故答曰昌齡等華而少實  
其文浮靡非令器也取之則後生勸慕亂陛下風雅帝然之 唐  
會要貞觀二十年九月考功員外郎王師旦知貢舉時冀州進士  
登科記考

### 卷一

音

張昌齡王公瑾並有俊才聲振京邑而師旦考其文策全下舉朝  
不知所以及奏等第太宗怪無昌齡等名因召師旦問之對曰此  
輩誠有詞華然其體性輕薄文章浮豔必不成令器臣若擢之恐  
後生相倣效有變陛下風雅帝以為名言後並如其言 按舊書  
明言昌齡及第文苑英華亦載其文潘昂霄金石例載張昌齡召  
見試息兵詔又言昌齡為崑邱道記室平龜茲露布為士所稱則  
又及第後任幕職之證也會要新書皆非事實今從 田備 見文  
舊書 王公瑾即王公治治避諱為理理訛為瑾耳 苑英

華 原注云  
總目作田恪

郝連梵

見文苑  
英華

### 諸科

張隲

張說府君墓誌銘諱隲字成隲姓張氏年十九明法  
擢第以調露元年卒年五十二推之是年十九歲隲

即燕公之父燕公又為碑云  
以明法歷饒陽長子二尉

### 知貢舉

王師旦

譚賓錄貞觀十九年考功員外郎王師  
旦知舉蓋知二十年之舉今從會要

張昌齡對策曰則天分命箕山多長往之賓濬畝劬勞滄州有肥

遁之客是以北荒孤行甘草澤而輕周南岳紫芝旣林泉而恥漢  
此蓋爲匹夫小節未達汾陽之旨獨行幽姿甯動少微之宿豈若  
大風在夢非熊入兆下箕尾而稱師委旄頭而作傳自大君有命  
遠頓天紘盡巖穴之英奇總濠梁之邁軸脫荷裳而襲朱紱解薜  
蘿而綰青綬五尺童子羞稱荷蓀三事大夫恥觀瓢飲將使鄭君  
谷口擅不言之謠曹相府門多清淨之化方知聖人在上眞隱不  
獲全其高淳風所偃幽貞不能固其節麋卵得性麟鳳所以呈姿  
山林不天風雲以之通氣物旣稟和而適變士亦感類而相從調  
飪自可怡神烹鮮足堪養性猶謂寒泉獨善未臻授受之仁薪樵

登科記考

卷一

七

兼濟有助興王之道謹對 兩儀亭育蓄嚴刑於積陰四序平分  
降明罰於秋序是知觀象設教聖人所以勝殘因物造端懿后由  
其立辟故媯川受命士師陳九德之歌瑤山載刑呂侯訓百綬之  
典然則激揚神化鼓舞皇階資粉澤而宏風俟德刑而振俗是故  
六轡在御飛龍之駕可期九戩不施奔鯨之害斯兆縱使業優倦  
領道邁曾巢齊飲啄於鶉居絕來往於犬吠猶未可長懸三禮永  
擯五刑削茲噬嗑之科專行忠信之薄況今時推纂聖運屬升皇  
猶勞丹浦之誅尙漏青邱之罪伯夷典禮與猶夏而同科司寇詳  
刑共春官而聯事自可遠稽九伐近命三驅釋刀鋸於凶魁休甲

兵於原野然後弛威象闕展事天宗繼美媯皇追風火燧石渠未  
滅豈得輒議寢刑中嶽既封自可專循大禮謹對

文苑  
英華

田備對策曰聖人出震博訪芻蕘大帝登庸詢謀師相是以周稱  
尙父呂望擢自磻溪殷曰得賢傳說求諸版築莫不舟梁羽翮鼎  
實鹽梅表區寓之明明成朝廷之濟濟自隆周泊乎幽厲朝政在  
於諸侯炎漢至於哀平威權任乎卿相貂蟬耀彩雄俊徧五侯之  
門劍履生光賓客滿四豪之第吹竽彈劍犬吠雞鳴用才各任所  
能取士不求其備弓旌之命非道德之門蒲帛之徵乖有道之室  
方今前疑後丞龍翰鳳翼左輔右弼岳氣星精加以徵逸璞於巖  
廊索遺珠於窮海邱園之下羔雁成行閭巷之中軒輅相次元纁

登科記考

卷一

美

之禮既備巢父長謝山林珪璧之間不空夷齊豈食薇蕨謹對

文苑

英華 按今本脫文  
據永樂大典引補

郝連芻對策曰法星垂象列九霄而照燭習坎分爻疏六位而輝  
煥故有皇王慎罰正俗以經時聖哲詳刑開物而成務莫不克清  
函夏載穆黎元制天討之威嚴宏秋官之典憲舜遊媯汭乃去四  
凶湯出鑣宮驅除三面然則質文異代興廢殊途微禹會昌仁流  
於下泣獨夫受戮禍招於剖心自運往道消淳離樸散王風不競  
苑柳之刺斯聞后德方衰棘槐之制斯闕望夷招敗酷甚凝脂函

谷生災冤多精氣雖復蕭何改創爰始九章溫舒上言仍譏一失  
網漏吞舟之罪主苟持寬律加盈閣之繁吏還舞智逸乎遺法允  
屬升平大唐執紀先天凝圖王氣化軼胥庭之上功超步驟之前  
掃氛祲於乾樞靜囂塵於地軸紫微君聖時乘光於得一黔首安  
生日用陶其吹萬皇帝上元統歷下武嗣徽道叶順風契黃帝之  
罔象精通就日符赤運之文明於是職列英奇朝班俊乂載升降  
之節旣著禮容臨甲乙之科方在政辟道無爲以端拱思有罪而  
責躬念向隅之獨嘔乃納隍而軫慮曲詢管庫取薦芻蕘誠宜妙  
簡平反旁求庶獄涓橋驚馬必歸張季之言禁圍射兔勿爽高柔  
登科記考

卷一

毛

之旨于公陰德委以廷尉之司盛吉深仁授以憲曹之任剖符寄  
劉寬之輩蒲鞭之教可追分陝趨邵爽之儔棠陰之聽斯在加以  
五詞咸備兩造兼持運靜躁於韋弦聽遲速於寬猛獬豸雖觸咎  
絲行其惠化蒼鷹輟號郅都息於頓苛自然囹圄空虛靡怨黃沙  
之罪鉗欽安用無施白粲之刑則迹邁成康道逾文景不仁自遠  
無得而稱謹對

文苑  
英華

二十一年丁未

正月丁酉詔以貞觀二十有二載仲春之月式遵故實有事於泰  
山仍令天下諸州搜揚仄陋其有學藝優洽文蔚翰林政術甄明

才膺國器者並以申送限以來年二月一日總集泰山庶令作賦  
貽金不韞天庭之揆被褐懷玉無溺屠釣之間務得英奇當加不  
次 冊府元龜 唐大詔令集  
按此詔許敬宗所草

二月壬申詔曰左邱明卜子夏公羊高穀梁赤伏勝高堂生戴聖

毛萇孔安國劉向鄭眾杜子春馬融盧植鄭康成服子慎何休王

肅王輔嗣杜元凱范甯賈逵等二十有二人代用其書垂於國胄

既行其道理合崇褒自今有事於太學可並配享尼父廟堂 舊書本紀

冊府元龜 按自貞觀二年以孔子為先聖顏子為先師是年以左邱明二十二人並為先師至永徽間後復以周公為先聖降孔子為先師貶顏子與左邱明等為從祀至顯慶二年七月長孫无忌始奏復舊制

登科記考

卷一

三

丁丑皇太子於國學釋菜 舊書本紀 冊府元龜 二月丁丑詔皇太子之國學釋奠於先師皇太子為初

獻國子祭酒張後裔為亞獻光州刺史攝司業趙宏智為終獻既講宏智開講孝經敷宏忠臣孝子之義皇太子歡甚因令宣勞胄

子以上言名教之所由學校之所作君臣父子之義風化訓導之端加之以宏獎因之以誠勵凡數百言詞義甚美聽者悚然無不

歡悅更相顧曰此誠德音也於是賜學官胄子帛各有差仍擢其高業者右庶子許敬宗上四言詩以美其事

八月壬戌詔以河北大水停封禪其朝集使及選舉人等前令詣

洛陽宮可依常年集限並赴京師 冊府元龜 唐大詔令集

進十七人

明經科 陳元敬 陳子昂有周居士陳公墓誌銘公諱元敬二十

年七十有四己亥為嗣聖十六年逆數之擢第當在此年按元敬即子昂之父

知貢舉 王師旦

二十二年 戊申

進士九人

知貢舉 王師旦

二十三年 己酉

五月己巳太宗崩 舊書本紀

六月甲戌朔高宗即位 通鑑

九月詔曰殷宗邁德化致升平周王顯仁政稱刑措太宗文皇帝神明配德靈武兼資掃欃槍而王區夏混陰陽而作天地以此大

登科記考

卷一

无

業留屬微躬雖復瑄變星霜而心嬰荼毒州郡之長能修厥職禮義興行姦回自屏刑憲不苛孤惇是賴有司詢訪宜以名聞有一於此當超不次其有經明行修談講精熟具此師嚴才堪教胄者志節高妙識用清通博聞彊正終堪卿輔者遊情文藻下筆成章援心處事端平可紀者疾惡揚善依忠履義執持典憲終始不移者京師長官上都督府及上州各舉二人中下州刺史各舉一人前代忠鯁身死王門子孫才堪任官而留滯停移者既想遺風尤

宜旌舉 冊府元龜

秀才一人 通典云初秀才科等最高貞觀中有舉而不第者坐其州長由是廢絕

進士八人

婁師德

舊唐書本傳鄭州原武人弱冠進士擢第以聖歷二年年七十推之是年二十歲

知貢舉

王師旦


師旦知舉諱賓錄之言十九年即唐會要之二十年也通典冊府元龜又載於二十三年蓋此

數年皆師旦知舉惟太宗於是年五月崩通典冊府元龜載九月太宗問張昌齡下第之事張昌齡下第事誤辨已見前言九月亦誤按畫漫錄言唐太宗一朝五放榜每榜一名其說甚謬不知何所據也

登科記考

卷一

三



登科記考卷二

大興徐松

唐高宗天皇大聖大宏孝皇帝

永徽元年

庚戌

正月辛丑朔改元

舊書本紀

六月詔曰昔勳華肇政仁義居先殷周創基教學成本朕嗣立鴻基裁成丕緒如臨於海罔知攸濟思得學徒用康庶績而頃歲所敦先諸聖教青襟方領未達至懷惟欲思轅固以加班想高堂以授秩斯文寥落去之彌遠深加發慮稱朕意焉儒官員缺卽宜補授其館博士助教節級賜物三館學生有業科高第景行瀆良者

登科記考

卷二

一

所司簡試具以名聞

冊府元龜

是年敕太尉長孫无忌司空李勣左僕射于志寧右僕射張行成侍中高季輔黃門侍郎宇文節柳奭左丞段寶元太常少卿令狐德棻吏部侍郎高警刑部侍郎劉燕客給事中趙文中書舍人李友益少府丞張行實大理丞元紹太府丞王文端刑部郎中賈敏行等共撰定律令格式舊制不便者皆隨有刪改

冊府元龜

秀才一人

劉釜

玉海引登科記

進士十四人

二年

辛亥

三月十四日詔太尉趙國公長孫无忌及中書門下國子三館博士宏文學士故國子祭酒孔穎達所撰五經正義按孔穎達卒於貞觀二十二年事有遺謬仰卽刊正唐會要

閏九月長孫无忌等上所刪定律令式甲戌詔頒之四方通鑑

秀才王海引登科記云是年始停秀才舉按新書韓思復傳舉秀才高第思復在永徽後所謂秀才者卽進士科也

進士二十五人

三年壬子

詔曰律學未有定疏每年所舉明法遂無憑準宜廣召解律人條

義疏奏聞仍使中書門下監定舊書刑法志

登科記考

卷二

二

應制及第雲麓漫鈔於制科及第下注云永徽三年是此年有制科也

不貢舉

四年癸丑

二月二十四日太尉長孫无忌等表上五經正義曰臣无忌等言臣聞混元初闢三極之道分焉醕德既醕六籍之文著矣於是龜書浮於溫洛爰演九疇龍圖出於滎河以彰八卦故能範圍天地埏埴陰陽道濟四溟知周萬物所以七教八政垂炯誠於百王五始六虛貽徽範於千古詠歌明得失之迹雅頌表興廢之由實刑政之紀綱乃人倫之隱括昔雲官司契之后火紀建極之君雖步

驟不同質文有異莫不開茲膠序樂以典墳敦稽古以宏風闡儒  
雅以立訓啟含靈之耳目贊神化之丹青姬孔發揮於前荀孟抑  
揚於後馬鄭迭進成均之望鬱興蕭戴同昇石渠之業愈峻歷夷  
險其教不墜經隆替其道彌尊斯乃邦家之基王化之本者也伏  
惟皇帝陛下得一繼明通三撫運乘天地之正齊日月之暉敷四  
術而緯俗經邦蘊九德而辨方軌物御紫宸而訪道坐元扈以裁  
仁化被丹澤政治幽陵三秀六穗之祥府無虛月集囿巢閣之瑞  
史不絕書照金鏡而泰階平運玉衡而景宿麗可謂鴻名軼於軒  
昊茂績冠於勳華而垂拱无爲遊心經典以爲聖教幽蹟妙理深

登科記考

卷二

三

元訓詁紛綸文疏踏駁先儒競生別見後進爭出異端未辨三豕  
之疑莫祛五日之惑故祭酒上護軍曲阜縣開國子孔穎達宏才  
碩學名振當時貞觀年中奉勅修撰雖加討覈尙有未周爰降絲  
綸更令刊定勅太尉揚州都督監修國史上柱國趙國公臣无忌  
司空上柱國英國公臣勣尙書左僕射兼太子少師監修國史上  
柱國燕國公臣志寧尙書右僕射兼太子少傅監修國史上護軍  
曲阜縣開國公臣行成光祿大夫侍中兼太子少保監修國史上  
護軍彥縣開國公臣季輔光祿大夫吏部尙書監修國史上柱國  
河南郡開國公臣褚遂良銀青光祿大夫守中書令監修國史上

騎都尉臣柳奭前諫議大夫宏文館學士臣谷那律國子博士宏文館學士臣劉伯莊朝議大夫國子博士臣王德韶朝議大夫行太學博士臣賈公彥朝議大夫行太學博士宏文館直學士臣范義頴朝散大夫行太常博士臣柳宣通直郎太學博士臣齊威宣德郎守國子助教臣史士宏宣德郎守太學博士臣孔志約右內率府長史宏文館直學士臣薛伯珍太學助教臣鄭祖元徵事郎守太學助教臣隨德素徵事郎守四門博士臣趙君贊承務郎守太學助教臣周元達承務郎守四門助教臣李元植儒林郎守四門助教臣王真儒等上稟宸旨旁摭羣書釋左氏之膏肓翦古文之煩亂探曲臺之奧趣索連山之元言囊括百家森羅萬有比之天象與七政而長懸方之地軸將五獄而永久筆削已了繕寫如前臣等學謝伏恭業慚張禹雖罄庸淺懼乖典正謹以上聞伏增戰越謹言永徽四年二月二十四日太尉揚州都督上柱國趙國公臣无忌等上

北宋周易  
單疏本

三月壬子朔頒孔穎達五經正義於天下每年明經令依此考試

舊書  
本紀

十一月十九日太尉長孫无忌等表上律疏曰臣无忌等言臣聞三才既分法星著於元象六位斯列習坎彰於易經故知出震乘

登科記考

卷二

四

時開物成務莫不作訓以臨函夏垂教以牧黎元昔周后登極呂侯闡其茂範虞帝納麓皋陶創其彝章大夫之述三言金篆騰其高軌安衆之陳九法玉牒播其宏規前哲比之以隄防往賢譬之以銜勒輕重失序則繫之以存亡寬猛乖方則階之以得喪泣辜慎罰文命所以會昌斯脛剖心獨夫於是盪覆三族之刑設禍起於望夷五虐之制興師亡於涿鹿齊景網峻時英有踊貴之談周幽獄繁詩人致菀柳之刺所以當塗撫運樂平除慘酷之刑金行提象鎮南削煩苛之法而體園經野御辨登樞莫不崇寬簡以宏風樹仁惠以裁化景胄以之碩茂寶祚於是克崇徽猷列於緇圖

登科記考

卷二

五

鴻名勒於青史暨炎靈委御人物道銷霧翳三光塵驚九服秋卿司於邦典高下在心獄吏傳於爰書出沒由己丙史溺灰然而被辱丞相見牘背而行賊戮逮棄灰誅及偶語長平痛積冤之氣司敗切瘦死之魂遂使五樓之羣爭迴地軸十角之旅競入天田國步於是艱難刑政於焉弛紊殷憂俟來蘇之后多難佇撥亂之君大唐握乾符以應期得天統而御歷誅阪泉之巨猾勦丹浦之凶渠掃旬始而靜天綱廓妖氛而清地紀朱旗乃舉東城高滅楚之功黃鉞裁麾西土建翦商之業總六合而光宅包四大以凝旒異域於是來庭殊方所以受職航少海以朝絳闕梯崑山以謁紫宸

椎髻之酋加之以文冕窮髮之長寵之以徽章王會之所不書塗  
山之所不紀歌九功以協金奏運七政以齊玉衡律增甲乙之科  
以正澆俗禮崇升降之制以拯頽風蕩蕩巍巍信無德而稱也伏  
惟皇帝陛下體元纂業則大臨人覆載並於乾坤昭臨運於日月  
坐青蒲而化光四表負丹旻而德被九圍日旰忘餐心存於哀矜  
宵分不寐志在於明威一夫向隅而責躬萬方有犯而罪己仍慮  
三辟攸斃八刑尙密平反之吏從寬而失情次骨之人舞智而陷  
網刑靡定法律無正條徽纆妄施手足安措乃制太尉揚州都督  
監修國史上柱國趙國公長孫无忌司空上柱國英國公李勣尙  
登科記考

卷一

六

書左僕射兼太子少師監修國史上柱國燕國公子志益尙書右  
僕射監修國史上柱國開國公褚遂良銀青光祿大夫守中書令  
監修國史上騎都尉柳奭銀青光祿大夫守刑部尙書上輕車都  
尉唐臨太中大夫守大理卿輕車都尉段寶元太中大夫守黃門  
侍郎護軍潁川縣開國公韓瑗太中大夫守中書侍郎監修國史  
驍騎尉來濟朝議大夫守中書侍郎辛茂將朝議大夫守尙書右  
丞輕騎都尉劉燕客朝請大夫使持節潁川諸軍事守潁川刺史  
輕車都尉裴宏獻朝議大夫守御史中丞上柱國賈敏行朝議郎  
守刑部郎中輕車都尉王懷恪前雍州蓋屋縣令雲騎尉董雄朝

議郎行大理丞護軍路立承奉郎守雍州始平縣丞驍騎尉石士  
達大理評事雲騎尉曹惠果儒林郎守律學博士雲騎尉司馬銳  
等撫金匱之故事採石室之遺書捐彼凝脂敦茲簡要網羅訓詁  
研覈邱墳撰律延三十卷筆削已了實三典之隱括信百代之準  
繩銘之景鍾將二儀而並久布之象魏與七曜而長懸庶一面之  
祝遠超於殷簡十失之歎永弭於漢圖謹詣朝堂奉表以聞臣无  
忌等誠惶誠恐頓首頓首永徽四年十一月十九日進

唐律  
義疏

頒新律疏於天下

舊書  
本紀

不貢舉

登科記考

卷二

七

應制及第三人

五年

甲寅

進士一人

六年

乙卯

進士四十三人

應制一人

按應制下脫  
及第二字

七年

丙辰

正月壬申改元爲顯慶元年

舊書  
本紀

三月十六日皇太子宏請於崇賢館置學士並生徒詔許之

唐會  
要

十月詔曰朕受命上元嗣膺下武每肅恭冕旒延想英奇俯振鷺而企貞臣仰飛鴻而慕良輔雲臺側席玉管屢移宣室整衣金壺亟改寂寥靡覲鑿寐興懷比年雖嘗進舉遂無英俊猶恐棲岩穴而韜奇樂邱園而晦影宜令河南河北江淮以南州縣或緯俗之英聲馳管樂或濟時之器價軼蕭張學可帝師材堪棟輔者必當位之不次可明加採訪務盡才傑州縣以禮發遣

唐大詔令集

十二月乙酉置算學

舊書本紀按職官志武德初廢算學此年復置

進士三人

蘇瓌舊書本傳瓌隋尚書右僕射威曾孫祖夔父昂瓌弱冠本州舉進士盧藏用蘇瓌神道碑瓌

字昌容京兆武功人幼而岐嶷聰敏冠常始讀山棲志一覽便誦及長博緯經史尤善屬詞年十八進士高第以景雲九年卒年七

登科記考

卷二

八

十二推之及第在是年

顯慶二年

丁巳

二月唐大詔令集作六月詔曰濟時興國實佇九功禦敵威邊亦資七德朕

端拱宣室思宏景化將欲分憂俊乂共逸岩廊而比者貢寂英奇

舉非勇傑豈稱居安慮危之志處存思亂之心如不旌賁遠近則

爪牙何寄宜令京官五品以上及諸州牧守各舉所知或勇冠三

軍翹關拔山之方智兼百勝緯地經天之才蘊奇策於良平馳功

績於衛霍蹤一起於吳白軌雙李於牧廣賞繼善而萬眾悅罰片

惡而一軍懼如有此色可精加採訪各以奏聞

冊府元龜按劉仁願紀功碑顯慶

二年應詔舉文武高第升  
進二階疑卽應此詔也

進士二十二入

三年

戊午

二月策志烈秋霜科

冊府元龜

七月上謂宰臣曰四海之廣唯在得賢卿等用人多作形迹護作

讓避親知不能盡意甚為不取昔祁奚舉子古人以為美談卽使

卿等兒姪有材亦須依例進舉通典 冊府元龜

九月廢書算律學舊書 本紀

是年黃門侍郎劉祥道以選舉漸弊陳奏其三曰雜色人請與明

登科記考

卷二

九

經進士通充入流之數以三分之論每二分取明經進士一分取

雜色人其四曰本傳作其三儒為教化之本學者之宗儒教不興風俗

將替今庠序徧於四海儒生溢於三學勸誘之方理實為備而獎

進之道事或未周但永徽以來於今八載在官者以善政粗聞論

事者以一言可採莫不光被諭旨超升不次而儒生未聞恩及臣

故以為獎進之道未周其五曰本傳作其四國家富有四海於今已四

十年百姓官僚未有秀才之舉未知今人之不如昔將薦賢之道

未至豈可方稱多士遂闕斯人請六品以下爰及山谷特降綸言

更審搜訪仍量為條例稍加優獎不然赫赫之辰斯舉遂絕一代

盛事實為朝廷惜之餘不錄奉勅付所司集羣官詳議者多難於改

作事竟不行通典 舊書 劉祥道傳

進士十七人 崔禹錫唐詩紀事崔禹錫字洪範登顯慶三年進士第為中書舍人

明經科 康希銑顏魯公康使君神道碑銘君諱希銑字南金會稽人年十四明經登第補右內率府胄曹應詞

藻宏麗舉甲科拜秘書省校書郎轉左金吾衛錄事參軍應博通文史舉高第授太府寺主簿轉丞又應明於政理舉拜洛州河清

令以開元三年卒年七十一 推之明經登第當在是年

諸科一人

志烈秋霜科 韓思彥冊府元龜 唐會要 新書韓思彥傳思彥字英遠鄧州南陽人志烈秋霜科擢第

楊炯右將軍魏哲神道碑公諱哲字知人鉅鹿陽曲人顯慶三年詔除左衛清宮府左果毅都尉尋圍谷府折衝都尉並長上如

登科記考 卷二 十

故又以應詔舉對策甲科遷左騎衛郎將四年詔公為鐵勒道行軍總管按是年不見他科疑亦志烈秋霜科及第

四年己未

二月乙亥上親策試舉人冊府元龜作引諸色目舉人謁見下策詔問之凡九百人冊府元龜

作九百 惟郭待封張九齡五人居上第按徐浩撰張九齡碑九齡卒於開元二十八年年六

十三則生於調露元年上距顯慶四年尚二 十一年舊志誤冊府元龜載五人無張九齡 令待詔宏文館隨仗

供奉舊書 本紀

進士二十人詞學指南顯慶四年進士試闕內父老迎駕表貢士箴

明經科 尹思貞舊書本傳京兆長安人弱冠明經舉以開元四年年七十七推之是年二十歲

洞曉章程科

材稱棟梁志標忠鯁科

政均卓魯字俗之化通

按通字疑有誤 高科

安心猷畝力田之業夙彰科

道德資身鄉閭共挹科

養志邱園嘉遁之風載遠科

材堪應幕科

學綜古今科

按以上諸科皆見雲麓漫鈔是年設科最多故本紀言試舉人九百人也

李巢 張昌宗

秦相如

崔行功

行功恆州井陘人見舊書文苑傳

郭待封

冊府元龜載是年制科五人卽

本紀所云五人居上第也第統言制科不知某人舉某科今附於此科之下以俟考

登科記考

卷二

十一

五年 庚申

六月辛卯詔文武五品以上

冊府元龜作內外官

四科舉人或孝悌可稱德

行夙著通涉經史堪居繁劇或游泳儒術沈研冊府下帷不倦博

物馳聲或藻思清華詞鋒秀逸譽標文雅材堪遠大或廉平處事

疆直爲心洞曉刑書兼苞文藝者精加搜訪各以名薦

舊書本紀冊府元

龜按張說贈太州刺史楊志誠碑明慶中詔郡國舉賢良公對策天朝無能出其右者疑即此年四科舉也又按河朔訪古記載

藁城縣九門城西有唐高宗上元三年建浮圖碑題云唐應詔四科舉董行文撰文寶刻叢編載集古錄目引作前應詔四科舉董

行思當亦此年制舉

進士十四人

上書拜官一人

六年辛酉

三月丙申朔改元龍朔元年舊書本紀 通鑑作 二月乙未晦改元

進士五人

名拜官一人

按新書祝欽明傳父緝字叔良門人張後允既顯宦薦於朝詔對策高第疑即其人也

諸科

楊炯

郡齋讀書志楊炯華陰人顯慶六年舉神童授校書郎 舊書文苑傳炯幼聰明博學善屬文神童舉

按炯是年 十二歲

應制及第

高口

陳子昂離狐縣丞高府君墓誌銘君諱某龍朔元年有制舉忠鯁君對策及第試永州湘源縣

尉 按顯慶四年有志標忠鯁制科制舉忠鯁殆亦此類

登科記考

卷二

七

龍朔二年壬戌

正月丙午

唐會要作 十八日

東都初置國子監并加學生等員均分於兩

都教授

舊書本紀

改國子監為司成館

唐會要

五月乙巳復置律書算三學

舊書本紀

九月勅學生在學各以長幼為序初入學皆行束脩之禮禮於師

國子太學各絹三疋四門學各絹二匹俊士及律書算學州縣學

各絹一匹皆有酒脯其束修三分入博士二分助教又每年國子

監所管學生國子監試州縣學生當州試並選藝業優長者為試

官仍長官監試據言

進士八人

明經科

崔元暉

舊書本傳元暉博陵安平人父行謹為胡蘇令元暉少有學行深為叔父秘書監行功所器重

龍朔中

舉明經

三年癸亥

正月詔以書學隸蘭臺算學隸秘閣律學隸詳刑寺

舊書本紀

八月詔內外官五品以上各舉巖藪幽素之士廣加詢訪旁求謬

俗式企英材允毗闕政

冊府元龜按舊書本紀八月癸卯彗星見於左攝提戊申詔百寮極言正諫令內

外官五品以上各舉所知

登科記考

卷二

三

十二月庚子詔改來年正月一日為麟德元年

舊書本紀

不貢舉

麟德元年甲子

七月丁未朔詔宜以三年正月式遵故實有事於岱宗所司詳求

茂典以從折衷其諸州都督刺史以二年十二月便集嶽下諸王

十月集東都緣邊州府襟要之處不在集限天下諸州明揚才彥

或銷聲幽藪或藏器下僚並隨嶽牧舉送

冊府元龜

進士三人

諸科二人

茂材異行科見雲麓漫鈔

銷聲幽藪科

嚴善思

舊書方伎傳嚴善思同州朝邑人初應銷聲幽藪科舉擢第則天時為監察御史

按記纂淵海麟德元年應銷聲幽藪科一人殆即嚴善思也 新書嚴善思名諱以字行父延

藏器下僚科

平貞沓

張說常州刺史平貞沓神道碑補廬州慎縣尉刺史盧寶允舉藏器下僚轉冀州大

都督府曲沃縣尉換晉州淇洞縣主簿北平陽道忻河東裴知禮薦以經邦興化徙雍州新豐縣尉

經明行脩科

李思訓

李邕雲麾將軍碑公諱思訓字建隴西狄道人年十四補崇文生舉經明行脩甲科

按碑言思訓卒於開元四年年六十六是年為十四歲唐書本傳作卒於開元六年者誤

二年乙丑

進士並落下

唐語林高宗時進士特難其選龍朔中勅左史董思恭與考功員外郎權崇原同試貢舉思恭吳士輕脫

登科記考

卷二

十四

洩進士問目三司推贓汚狼籍命西朝堂斬決告變免死除名流梧州按思恭與皇太子宏撰瑤山玉彩其書成於龍朔三年三月

其年不貢舉所云洩進士問目或即此年事而進士因之落下歟

三年丙寅

正月戊辰朔車駕至泰山己巳行封禪之禮壬申改麟德三年為

乾封元年

舊書本紀

辛卯至曲阜詔曰朕聞德契機神盛烈光於後代化成天地元功

被於庶物魯大司寇宣尼父孔某資大聖之材屬衰周之末思欲

屈已濟俗宏道佐時應聘周流莫能見用想乘桴以永嘆因獲麟

而輿感於是垂素王之雅則正魯史之繁文播鴻業於一時昭景

化於千祀朕膺寶歷祇奉睿圖憲章前王規矩先聖崇至公於  
海內行大道於天下遂得八表乂安兩儀交泰功成化洽禮盛樂  
和展采東巡迴輿西土塗經茲境撫事興懷駐蹕荒區願爲師友  
瞻望幽墓思承格言雖宴寢荒蕪餘基尙在靈廟虛寂嶽烈猶存  
孟軻曰自生人以來未有若孔子者也微禹之歎旣深褒崇之道  
宜峻可追贈太師庶年代雖遠式範令圖景業惟新儀型茂實其  
廟宇制度卑陋宜更加修造仍令三品一人以少牢致祭褒聖侯  
德倫旣承允緒有異常流其子孫並宜免賦役主者施行通鑑  
孔宣公碑陰 舊書云甲午至曲阜按碑載此爲  
正月二十四日詔二十四日爲辛卯當從通鑑

登科記考

卷二

五

進士

是年不言貢舉蓋有貢舉而登科記脫佚也

王上客

劉禹錫王俊神道碑大父上客高宗封岳進士及第

魏知古

舊書本傳深州陸渾人性方直早有才名弱冠舉進士以開元三年卒年六十九推之是年二十歲

幽素科十二人

記纂淵海作十三人

蘇瓌

見冊府元龜唐會要

解琬

見冊府元龜唐會要

書本傳魏州元城人少應幽素舉拜新政尉

苗神客

見冊府元龜唐會要

格輔元

見冊府元龜唐會要

舊書岑文本傳格輔元汴州浚儀人新書輔元父處仁

徐昭

見冊府元龜唐會要

劉訥言

見冊府元龜唐

會

崔谷神

見冊府元龜唐會要

郭敬同

孫翌教子郭府君墓誌嚴考敬同皇幽素舉高第

王

勃舊書文苑傳王勃年未及冠應幽素舉及第按王勃春思賦序

子傳王勃六歲善詞章麟德初劉祥道表其才對策高第

乾封二年丁卯

十月令天下諸州舉鴻儒碩學博聞彊記之士冊府元龜

進士五人

詞贈文華科

直言極諫科雲麓漫鈔列此二科於幽素之次皆係乾封元年按二年有舉鴻儒碩學之詔則詞贈文華必在此年故

與直言極諫並隸於此

三年戊辰

二月丙寅改元為總章元年舊書本紀新書作三月庚寅

三月舊書作二月癸未新書作三月丁巳詔曰皇太子宏近因釋菜齒胄上庠祇事

先師馳心近侍仰崇山而景行眷曩哲以勤懷顯顏曾之特高揚

登科記考

卷二

六

仁義之雙美請申褒贈載甄芳烈朕嘉其進德冀以思齊訓誘之

方莫斯為尙顏回可贈太子少保冊府元龜按舊書本紀贈顏回太子少師曾參太子少保

進士二十六人

總章二年己巳

不貢舉

三年庚午

三月甲戌朔大赦天下改元為咸亨元年舊書本紀

五月丙戌詔曰諸州縣孔子廟堂及學館有破壞并先來未造者

遂使生徒無肄業之所先師闕奠祭之儀久致飄露冊府元龜作零深非

敬本宜令所司速事營造舊書本紀

改司成館復為國子監唐會要

進士五十四人宋守節狀 杜審言唐才子傳審言字必簡京兆人預之遠裔咸亨元年

宋守節榜進士為隰城尉舊書文苑傳杜易簡從祖弟審言進士舉 高瑾唐詩紀事高瑾高士廉之孫登咸亨元年進士

第

咸亨二年辛未

十月丙子詔曰禮樂之用其來尚矣朕誕膺明命克光丕歷思隆

頌聲以康至道而曲臺闡訓猶乖揖讓之容大樂登歌徒紀鏗鏘

之韻良以教虧綿繚學闕警宗興言盛業寤寐盈抱然則幽誠所

登科記考 卷二 七

著縱九皋而必聞忠信所存在十室而無棄但慮習俎之彥韞跡

於閭閻辨鐸之英韜深於林藪夫良玉無脛求之斯來真龍難覩

好之而至其四方士庶及邱園棲隱有能明習禮樂詳定音律於

行無違在藝可錄者宜令州縣搜揚博訪具以名聞舊書本紀冊府元龜唐

大詔

不貢舉按唐詩紀事弓嗣初咸亨二年第

三年壬申

不貢舉

四年癸酉

進士七十九人

郭震

新書本傳郭元振名震以字顯舊書魏州貴鄉人張說郭元振行狀十六入太學

與薛稷趙彥昭同業年十八擢進士第其年判入高等以開元元年卒年五十八推之當於是年及第

李迥秀

新書

迥秀及進士第按迥秀於五年舉英材傑出科年弱冠前數年不貢舉故附四年

拔萃科

郭震

據言載震今年及第明年登科今從行狀

諸科

馬懷素

舊書本傳潤州丹徒人墓誌銘懷素字貞規十五編誦詩禮騷雅能屬文有史力長史魚承暉特

見器異舉孝廉引同載入洛按咸亨四年懷素年十五舊書本傳言舉進士墓誌不載蓋即舉孝廉之誤也今從墓誌

知貢舉

杜易簡

舊書文苑傳杜易簡咸亨中為考功員外郎按新書李敬元恨杜易簡為吏部侍郎召易簡為

考功員外郎屈之敬元為吏部侍郎在咸亨三年則易簡當於三年即為考功矣

五年

甲戌

登科記考

卷二

六

八月改咸亨五年為上元元年

舊書本紀

詔五品以上各舉所知

冊府元龜

十二月二十七日

舊書本紀作壬寅

天后上表曰伏以聖緒出自元元五

千之文實唯聖教望請王公以下內外百官皆習老子道德經其

明經咸令習讀一準孝經論語所司臨時策試請施行之

唐會要舊書

本紀作天后上意見十二條請王公百寮皆習老子考后妃傳習老子為十二條中第八事

是年有劉曉者

通鑑作劉曉

上疏曰國家以禮部為孝秀之門考文章

於甲乙故天下響應馳驅於才藝

通鑑作文藝後同

不矜於德行夫德行

者可以化人成俗才藝者可以約法立名故有朝登甲科而夕陷

刑辟制法守度使之然也陛下焉得不改而張之至如日誦萬言何關理體文成七步未足化人昔子張學于祿仲尼曰言寡尤行寡悔祿在其中矣又曰行有餘力則以學文今舍其本而循其末況古之作文必諧風雅今之末學不近典謨勞心於草木通鑑作

之間極筆於烟雲

通鑑作烟霞

之際以此成俗斯大謬也昔之採詩以

觀風俗詠卷耳則忠臣喜誦蓼莪而孝子悲溫良敦厚詩教也豈主於淫文哉夫人之愛名猶水之就下上有所好下必甚焉陛下若以德行爲先才藝爲末必敦德勵行以伋甲科艷舒俊才沒而不齒陳實長者拔而用之則多士雷奔四方風動風動於下聖理

### 登科記考

#### 卷二

尤

於上豈有不變者歟

通典按是時貢舉未歸禮部而言禮部爲孝秀之門恐誤通鑑引亦作禮部取士

進士五十七人重試及第十一

人周彥輝

唐詩紀事彥輝登咸亨五年進士

張守貞

撫言咸亨五年七世伯祖鸞臺鳳閣龍石白水公時任考功員外郎下覆試十一人內張守貞一人鄉貢

知貢舉

王方慶

撫言鸞臺鳳閣龍石白水公任考功員外郎按舊書方慶傳封白泉縣男遷鸞臺侍郎同鳳閣

鸞臺平章事俄轉鳳閣侍郎則所謂鸞臺鳳閣者即方慶也白水爲泉字之訛龍字衍文傳雖不言爲郎中員外事而高宗紀永淳元年有吏部郎中王方慶是咸亨時得爲員外郎也

英材傑出科

李迥秀

舊書李大亮傳迥秀大亮族孫也弱冠應英材傑出舉拜相州參軍按新書迥秀卒

於代姚崇爲兵部尙書時年五十事在長安四年則弱冠在咸亨五年是年有詔舉所知蓋卽制科也

上元二年

乙亥

正月

唐會要作正月十四日

敕明經加試老子策二條

唐會要作三條

進士加試帖

三條

冊府元龜

按進士試帖謂帖老子是時尙無帖經之制新書選舉志言是年加試貢士老子策明經二條進士三條

則試帖當作試策矣

八月二十七日改崇賢館爲崇文館

唐會要

按避章懷太子諱也館在東宮左春坊南

進士四十五人

鄭益

沈佺期

唐才子傳沈佺期字雲卿相州人上元二年鄭益榜進士

舊書文苑傳沈佺期

宋之問

唐才子傳宋之問字延清汾州人上元二年進士

劉希夷

唐才子傳劉希夷字廷芝潁川人上元二年鄭益榜

進士時年二十五射策有文名按希夷宋之問之甥

梁載言

書錄解題梁載言

張鷟

舊書張鷟傳張鷟初登進士第對策尤工考功員外郎鷟味道賞之曰如此生

天下無雙矣又應下筆成章及才高位下詞標文苑等科凡應八

舉皆登甲科太平廣記引朝野僉載鷟初舉進士至懷州夢慶

登科記考

卷二

辛

雲覆其身其年對策考功員外郎鷟味道以爲天下第一

風土記張鷟字文成深州陸渾人弱冠應下筆成章凡七應舉四

參選皆中甲科按容齋續筆引登科記云上元二年進士四十五

人鷟名皆二十九既以爲無雙而不列高第神龍元年申才膺管

樂科於九人中爲第五景雲二年中賢良方正科於

二十人中爲第三所謂制舉入中甲科亦不然也

故內供奉學士懷州河內縣尉陳該石人銘君諱該字彥表蘇州

顯武人少好學能屬文上元元年州貢進士對策高第釋褐授將

仕郎按元年鄉貢是登第在二年附不疑

通志氏族畧上元登科年故三年得應詞禪文律科也

元在八月則無元年貢舉三年不貢舉故知在此年

別救二人

按別救摭言謂別頭是不始於開元二十九年矣二當作四

錢令緒

鄭人政

王愷

崔志恂

摭言別頭及第始於上元二年錢令緒鄭人政王愷崔志恂等四人亦謂承優及第

續試三人

應制及第 楊炯楊炯渾天賦序顯慶五年炯時年十一待制宏文館上元二年始以應制舉補校書郎

知貢舉 騫味道見上張鷟注

三年丙子

正月策詞殫文律科冊府元龜

閏三月令京官五品以上及諸州都督刺史各舉所知一人冊府元龜

十一月壬申改上元三年曰儀鳳元年舊書本紀

十二月詔曰山東江左人物甚衆雖每充賓薦而未盡英髦或孝

悌通神遐邇推敬或德行光俗邦邑崇仰或學綜九流垂帷覩奧

或文高六藝一作義下筆成章或備曉八音洞該七曜或射能穿札

登科記考 卷二 三

力可翹關或邱園秀異志存棲隱或將帥子孫世稱勇烈委巡撫

大使咸加採訪伉申褒獎亦有婆娑鄉曲負材傲俗爲譏議所斥

陷於跡弛之流者亦宜選擇具以名聞冊府元龜唐大詔令集

不貢舉張說故宣威將軍楊君碑公諱令一字令一太州仙人掌人年十九舉進士高第授潞州參軍以聖歷元年卒年四十

一推之及第在是年登科記既有諸科則言不貢舉者誤

諸科四人

詞殫文律科 崔融冊府元龜唐會要舊書本傳崔融齊州全節人應八科舉擢第新書融字安成

陳該陳子昂陳該石人銘上元元年之明年制勅天下文儒司屬少卿楊若訥薦君應詞殫文律對策高第勅授茂州石泉縣

主簿

文學優贍科

馬懷素

舊書本傳應制舉登文學優贍科 墓誌銘公年甫弱冠以文學優贍對策乙科乃

尉郿無何丁太夫人憂服闋授麟臺正字京兆韋方直善飛白以公既及冠禮未嘗立字遂大署 自云懷素字貞規以開元六年卒年六十推之咸亨四年年十五舉孝廉服闋後云既及冠是應制舉時未及二十也是年有制科或文學優贍科亦在是年故載

此於

口口科

員半千

舊書文苑傳上元初應入科舉授武陟尉 按江都幾雜志白水縣堯山民掘得誌石是員半

千墓云十八代祖凝自梁入魏本姓劉 彭城人以其雅正似伍員遂賜姓員

陽嶠 舊書洛陽人儀鳳

中應入科舉

裴守貞

舊書孝友傳裴守貞絳州稷山人後魏冀州刺史叔業六世孫父春貞觀中官至鄜

授蔣陵尉

令守貞早孤初舉進士及應入科舉累轉乾封郡屬 按入科舉在是年而不知其科俟考

儀鳳二年

丑丁

登科記考

卷二

三

十二月詔京文武職事三品以上官每年各舉所知或才蘊廊廟器均瑚璉體王佐之嘉猷資公輔之宏量或奇謀異算決勝千里或投石拔距勇冠三軍或謇諤忠亮志存匡弼或繩違糾慝不避權豪或威惠仁明堪居守牧之重或公正廉直足膺令長之任咸宜搜訪具錄封進朕當詳覽量加獎擢

冊府元龜 唐大詔令集

不貢舉

上封拜官一人

下筆成章科

按去冬下詔應科舉在是年

張鷟

見上

姚元崇

舊書姚崇傳本名元崇李

州硤石人元崇為孝敬挽郎 應下筆成章舉授濮州司倉

韓思彥

新書韓思彥傳萬年令李乾祐異其才舉下筆成章

科

王無競

舊書文苑傳王無競有文學初應下筆成章舉及第解褐授趙州欒城縣尉孫述王無競墓誌公諱無

競字仲烈其先郎邪人因官家於東萊弱冠以應制擢第

三年

寅

三月

冊府元龜作正月

勅自今已後道德經孝經並為上經貢舉人並須

兼通其餘經及論語任依常式

冊府元龜唐會要

四月戊申改來年正月一日為通乾

舊書本紀

十二月癸丑詔停明年通乾之號

新書本紀

不貢舉

陳憲墓誌銘公諱憲字令將平陽臨汾人年三十鄉貢進士對策上第其年解褐榮澤主簿以開元十三年薨春秋

七十八以年推之當是儀鳳二年鄉貢進士次年上第又按舊書鄭惟忠傳儀鳳中進士舉授井陘尉是儀鳳中有進士張九齡徐

登科記考

卷二

三

堅神道碑上元中遭姜太夫人之喪服闋州辟秀才其年登科解中補汾州參軍事是登第亦在儀鳳中而此數年皆言不貢舉恐

登科記誤

諸科一人

四年

己卯

六月辛亥改儀鳳四年為調露元年

舊書本紀

七月己卯朔詔以今年冬至有事嵩岳

舊書本紀

是月詔令諸州明揚仄陋或孝弟純至感於神明或文武兼資才

堪將相或學藝該博業標儒首或藻思宏麗詞擅文宗或洞曉音

律識均牙曠或深明歷數妙同京管者咸令薦舉

冊府元龜纂淵海引登科

十月庚申前詔封嵩山宜停舊書本紀

十二月壬子帝臨軒引岳牧舉人問之曰兵書云天陣地陣人陣各何謂也武陟尉員半千對曰臣觀載籍多謂天陣星宿孤虛也地陣山川向背也人陣偏伍彌縫也臣以為不然夫師出以義有若時雨得天之時此天陣也兵在足食且耕且戰得地之利此地陣也三軍使兵士如父子兄弟會要作士卒輕利將帥和睦得人之利此人陣也三者去矣將何以戰帝又問皇道帝道王道何以區別朕今可行何道長壽令蕭思問越州參軍周彥昭以次應詔帝皆稱善

登科記考

卷二

甲寅御製問目以試之冊府元龜會要載此事於永隆元年按舊書本紀與冊府元龜同今從之

不貢舉

調露二年庚辰

考功員外郎劉思立奏明經進士二科並加帖經又加老子孝經使兼通之通典按此調露二年事故列於政元永隆之前按此為帖經之始

八月乙丑改調露二年為永隆元年舊書本紀

十二月詔縣令刺史御史員外郎太子舍人司儀郎左右史文武

五品以上清要近侍及宿衛之官並令舉所知一人冊府元龜

進士一人按一人疑有誤蘇頌新書蘇瓌傳瓌子頌字廷碩舊書頌少有俊才一覽千言弱冠舉進士讀書

志蘇頌武功人調露二年進士按蘇頌卒於開元十五年五十八是年方十一歲讀書志所載未知何據

李福業唐詩記事李福業調露二年登第宋璟顏魯公集廣平文貞公宋公神道碑銘公諱璟邢州南和人年十六七時或讀

易曠時不精公遲而覽之自亥及寅精義必究明年進士高第以開元二十五年卒年七十五推之十六七當儀鳳三四年皆不貢

舉則及第在此年矣舊書本傳

環博學工於文翰弱冠舉進士

岳牧舉員半千舊唐書文苑傳員半千本名餘慶晉州臨汾人

御武成殿名諸州舉人親問半千越次而對高宗甚嗟賞之及對策擢為上第冊府元龜永隆元年岳牧舉武陟尉員半千及第

殷楷馮宿殷公家廟碑工部府君諱楷字文綯高宗朝四岳舉高第釋褐拜雍州新豐尉按四岳舉即岳牧舉

永隆二年辛巳

三月丙午皇太子親行釋奠禮舊書本紀

登科記考卷二

八月詔曰學者立身之本文者經國之資豈可假以虛名必須徵

其實效如聞明經射策不讀正經鈔撮義條纔有數卷進士不尋

史傳惟誦舊策共相模擬本無實才所司考試之日曾不簡練因

循舊例以分數為限至於不辨章句未涉文詞者以人數未充皆

聽及第其中亦有明經學業該深者惟許通六進士文理華贍者

竟無甲科銓綜藝能遂無優劣試官又加顏面或容假手更相屬

請莫憚糾繩由是僥倖路開文儒漸廢興廉舉孝因此失人簡賢

任能無方可致自今已後考功試人明經試帖取十帖得六已上者會要作明經每經進士試雜文兩首按雜文兩首謂箴銘論表帖十得六已上者之類開元間始以賦居其

一或以詩居其一亦有全用詩賦者非定識文律者然後並令試制也雜文之專用詩賦當在天寶之季

策仍嚴加捉搦必材藝灼然合昇高第者並即依令其明法并書

算貢舉人亦量準此例即為常式冊府元龜唐會要唐大詔

立高宗時遷考功員外郎始奏請明經加帖進士試雜文自思立始也唐語林云劉思立以進士惟試時務策恐復傷膚淺請加試

雜文兩道並帖小經是

因思立之奏故下此詔

九月乙丑改承隆二年為開耀元年舊書本紀

進士一人疑有誤姜晞唐詩紀事晞登承隆二年進士第李义舊書本傳本名尚真少與

兄尚一尚真趙房子人柏人侯曇裔孫侍郎書勁十一世孫曾祖彥博

祖惠明父大智公十一從學極奧研幾十二屬詞含商咀徵中書

令薛元超謂人曰此子必負海內盛名十九郡舉茂才策第考功

登科記考卷二耶劉思立一見又如之調補潞州壺關婺州武義尉以開元四年

卒年六十推之年十九當上元二年其間數年不貢舉而劉思立

於是年知舉蓋上元二年舉於州是年方登第新書本傳作茂才異等累調萬年尉

應制及第 陳該陳子昂陳該石人銘開耀元年制舉太子舍人

策高第勅授隆州蒼溪縣主簿

知貢舉 劉思立唐會要調露二年四月劉思立除考功員外郎

開耀元年蓋知次年之舉故唐語林封氏聞見錄皆載於

開耀二年壬午二月癸未改開耀二年為承湏元年舊書本紀

進士五十五人據言引作五十一人重試及第十一人許且狀元陳子昂

唐才子傳陳子昂字伯玉梓州人開耀二年許且榜進士按永樂大典引潼川志陳子昂文明初舉進士又趙儋故拾遺陳公旌德之碑亦云子昂年二十四文明元年進士與才子傳異考碑言射策高第在高宗崩之前當以才子傳爲是盧藏用陳子昂別傳年二十一始東入咸京遊太學由是雍思泰一人內雍思泰一人爲遠進所籍甚以進士對策高第舊書劉子元傳本名知幾楚州刺史允之族孫也新

知貢舉

劉思立

撫言作思元蓋思立之誤

永淳二年

癸未

三月勅令應詔舉人並試策三道卽爲永例

冊府元龜唐會要

七月庚申詔以今年十月有事於嵩岳仍令天下岳牧及京官五

登科記考

卷二

七

品以上各舉所知有孝行儒學文武之士尋以帝不豫改用來年

正月行封禪之禮

冊府元龜上封中岳每下詔草儀注卽歲饑邊事警急而

止至是復行封中岳禮上疾而止

十一月丙戌詔來年正月封中岳者宜停

冊府元龜

十二月己酉詔改永淳二年爲宏道元年是夕帝崩於貞觀殿

舊書

甲子中宗卽位尊天后爲皇太后政事咸取決焉

通鑑

進士五十五人

元求仁

撫言永淳二年五十五人內元求仁一人鄉貢

知貢舉

劉廷奇

見撫言

登科記考

卷一

南菁書院叢書

三

